

義甯州志卷第二十五上

人物志

孝友

唐

沈季詮字子平洪州豫章人少孤事母孝未嘗與人爭皆以為怯季詮曰吾怯乎為人子者可遺憂於親乎貞觀中隨母渡

江暴風母溺水死季詮號呼投江中少頃持母臂浮出水上

都督謝叔方且禮祭而葬之

唐書本傳 因學紀聞釋孝經在醜夷不爭引季詮事為證

按豫章縣自晉太康歷五代至唐貞元始改分甯縣蓋唐初貞觀時尚屬豫章也其間四百餘年典籍無稽人物寥

義甯州志

卷之二十五

人物志孝友

寥或混入他縣者尤有待於蒐羅

宋

黃薰字伯仁山谷姪孫居彭姑市之東溪事母至孝乾道間洪水暴漲室與母柩俱漂沒朝夕號哭欲俱亡徒跣至武甯蒿港聞數柩隨流而下惟一柩回流入港徘徊不去居民陳姓者見之惻然繫置於桑間以土覆之薰求之果得昇歸葬焉黃用中廣濟簿尉介之子也宋末亂起父鄉居帥鄉人守龍安山砦北兵至鎗箠面如蝟不屈死之母劉氏被掠用中乘間逸得不死及壯求母四方誓不見母不復還逾十年得諸京師遂與俱歸人皆稱為黃孝子可謂忠孝一家矣



元

夏經孫字權可縣市人隱居不仕其先世稱巨族博通經史有聞於時翰林修撰余貞嘗師事之教人以孝弟忠信爲本事父竹澗公溫清起居必謹躬親調膳父歿執喪盡哀祭葬如禮有司上其事於省時余公修宋遼金三史以精通史學薦之及召而卒

余貞字復卿良肱之裔登進士歷官棗陽尹所至有善政事父至孝及居鄉四方來學者不遠千里後至元庚辰秋召爲翰林修撰修宋遼金三史史成即乞歸養中途聞父喪慟哭徒跣數百里居喪以禮旋疾卒

義甯州志

卷之二十五

人物志孝友

二

王仕俊奉鄉人至正間立寨保障鄉民賴之與兄通兩分父產後父生庶子郁慮業析無給將不育俊曰難得者人財何恤焉以己業分之郁始獲存鄉稱種德云

明

黃咍高市鐵爐巷人父伯彘洪武間任大使以事逮繫法曹論死咍鎖頸擊登聞鼓願以身代詞極懇切上疑其詐並付法曹鞫之事未上父子俱死於獄鄉里哀之

周銘字仲彝號可庵幼穎敏過人通詩書春秋三經痛父死絕域有司舉孝廉不就家居教授及門之士多所成就黎文僊公其一也兒時送父之官別於紫石嶺暨長經其地必慟哭

良从乃去母劉氏年九十餘嗜醕醢每饌必設比就寢復請更進以爲常同母第二人教愛備至性不喜釋老冠昏喪祭多用文公家禮歲時伏臘惟節儉爲兢兢里俗爲變少年駢蕩者私相語曰母令可庵先生知之素爲人敬憚如此以齒德舉鄉飲大賓嘗自言曰吾無過人凡所爲皆僅可而已因自號可菴作可菴說以自况學者遂稱爲可菴先生所著有效顰和梅花百詠詩集藏於家卒年七十有五以孫季麟貴贈都察院右副都御史

按周南山集可菴行狀有云所取友皆問學老成端謹古樸之士如西安推官王公琬江陵訓導匡公泰儒士冷公

義甯州志

卷之二十五

人物志孝友

三

清士人陳公郇兄弟皆知己也賡和詩詞最多至今人能傳誦景泰天順成化間邑大夫禮請纂修縣志與儒士黃公邦節冷公清陳公玦同事一以至公是非不肯阿於人鄉中富豪有欲相干者毅然不許今考舊志所載惟陳郇見於鄉賢王琬匡泰見選舉冷清黃邦節陳玦皆失考意必當時隱德君子其不傳爲可惜也故附著之

周淑材高市丁田里人生即失恃嫡母古氏乳之父仲舉蚤世材事母孝養備至母老不能起居夫婦扶攜向煖進食妻伴母寢供溺器者二十五年母九十五歲卒材哀毀成疾或勸就醫曰吾幸從先母地下足矣竟不藥而終

陳鳳歧字庭安郇長子也幼有器局從鄉先生周銘學立身大節性孝友母病足瘍多方購醫治之康復乃已親歿擇地葬堪輿家謂地缺左沙將不利於長歧長也乃正色折之卒葬焉仍植紫荆樹於墓前以示諸弟期如田氏友愛成化壬辰劇寇羅萬珪聚眾爲患鄉邑震恐侍郎原公傑檄歧督捕歧密購敢死士躡蹤至湘湖縛其渠魁以歸原深嘉禮之

查昂已雋仲子也幼穎異父授以詩書二經悉通大義旣長受業於國子祭酒頤安胡公之門公大奇之凡困舉子業遂隱江湖樂與縉紳諸公游好吟咏嘗於維揚登騎鶴摘星樓有登樓長嘯空彈缺騎鶴憑空可摘星之句善談時務因作鹽

義甯州志

卷之二十五

人物志孝友

四

箴議數千言上之鹽臺皆切時弊竟阻弗行乃浩然歎曰進無以益於時退而青山白石甯我異耶遂卜築於修江終老焉性孝友每事務爲悅親推所有以益兄弟弗問也里有誣其兄弟死獄者力爲白之其人終身愧服至於輕財樂施親賢友善鄉評重之卒稱孝友先生

查孟泰號養心義民恕已側室謝氏所生嫡母王氏卧病神氣昏迷經二旬孟泰躬侍湯藥寢食俱廢父以憂其母故亦疾時孟泰年十九倉皇無計虔禱於神遂剝股肉和藥以進王氏飲而食之寐忽夢神語曰家有孝子爾疾必痊王氏醒尋語夫夫聞喜躍而起病皆瘳郡守黃公親題孝茂椿萱而以

其事上聞部議給以七品冠帶匾旌純孝格天併書孝子第
以表其閭從兄孟富亦以割股療親疾都憲周南山爲作懇
孝堂記

周彥中諱權別號宜齋幼聰敏從仲父僖敏公學業成而巾廢
性孝友事父母無故不離左右及襄大事一遵家禮兄柏爲
鄉人所誣代之就繫第悟疾躬親藥物庭無間言祖塋侵陵
於鄉豪訟繫於獄積歲而得直鄉人義之鄰有忿爭得一言
居間立解其人餽謝卒不受或加以橫逆不與校卽有急來
告復爲營解之每市田宅必厚其直人皆服其德量歲蝗率
鄉民祈禱時有羣雀擁籃輿啄蝗食之人以爲異生子期雍

義甯州志

卷之二十五

人物志孝友

五

成進士歷官大司寇直聲惠政錫然有聞皆庭訓之遺也治
家嚴肅有法雖童僕無敢違尺寸卒年七十有六贈刑部尙
書所著有宜齋稿藏於家大學士李文正公表其墓曰迹公
之才識行誼俾其踐仕途登廊廟其所設施必有大過人者
顧乃鬱而不舒君子不無遺憾焉嗟夫不於其身必於其子
孫斯彥中之謂乎

陳孔勗泰鄉人父煥游太學祖母高氏患癰家失火勗與母冷
一氏一物無所取急赴烈焰中負高出得免衣髮盡焦高氏壽
終八十六祝曰汝母子善事我必有善報云

香景元字立卿由庠生入南雍以父仲道諫南巡幾斃杖下守

杭州抑織造中貴誣謫逮官卒居常痛焉遂無宦情孝事母
方宜人義於賑饑急於公賦以例授兵馬指揮卒年七十有
八

陳以相號軻軻存之次子天性純粹不事矯飾舞象時以孝著
聞閭里父卒哀毀骨立絕口不道家產事生母孫氏年四十
依戀如孩赤母病親侍湯藥不假僕妾醫者謂鶴毛扇風不
傷人不憚數百里製之母卒哀痛殞而復甦者再每當生忌
不御酒肉思慕如初督學黃公汝亨張公景元陳公懋德三
旌優行知州李公友梅額其堂曰孝友第窮年誦讀屢困棘
闈售而復落義命自安善草書精詩畫通素問常施藥餌以
活人有友私寄四十餘金託以後事踰年友亡相出其物原
緘如故伊子不知也其潛德類如此卒年五十六

義甯州志

卷之二十五

人物志孝友

六

盧尙庭字孤松仁鄉盧源人孝事父母出於至性怒則跪地受
杖疾則籲天代死母歿奉母柩葬水源西園離家十二里結
廬墓側三年哀痛悲號勿能已常以手捫墓石石爲之凹至
今指痕在焉疾亟遺命從母葬水源蓋雖死不忍離其親也
萬曆二十四年州庠生周存仁徐以禮余學申陳以泰周希
令等呈明當事請旌詔每年給粟二石帛二疋優恤時巡按
江西監察御史史布政司分守道叅政朱按察司分巡兵備
道史匾旌其門曰孝行曰柏臺獎孝其長孫應秋由拔貢任

浙江嵎縣令

盧氏舊譜及諸紳舊呈

查振邦字在輿號北阿州治鸚鵡橋人眉州府判仲儒之裔蚤失怙恃時值兵火頻仍三弟皆幼有在襁褓者振邦提攜鞠育備極艱辛乃至成人又爲教讀婚配宗族鄉黨無不稱之他如濟急難全婚姻修治橋梁道路力行至老弗倦故今子孫蕃衍蜚聲庠序尤徵厚德之報云

周必顛字宗之先鰲之子天性醇謹恂恂若不勝衣乙酉臘月賊夜寇城父母年老不能行顛謂仲弟曰汝尙無嗣謂季弟曰汝有子亦稚宜急去我有二子當護父母頃賊至索金不已燔背斷股其母泣救受及顛執及泣曰苟全吾親吾命奚

義甯州志

卷之二十五

人物志孝友

七

恤賊不爲動扭至門闕碎腦折脰以死

陳嘉瑤字容玉蔚菴長子瑰異不凡三歲能識字七歲問父曰生人者誰曰父母曰初生人者爲誰父大奇之十歲能屬文學憲侯公峒曾面試補弟子員成童克順二人無他慕乙酉賊兵持刃向母瑤給以金母脫賊怒受傷而卒

姚修玉字五瑞明敏勤學純孝性成年十五值闖寇衝州執父拔及以索金玉恐父爲寇傷躍出跪地願以身代約購馬以贖寇諾釋其父待二日父得馬往贖其子牽過賊營爲別軍搶去寇以玉言爲欺執至白土殺之復甦昇歸調護一月而卒葬七都林橋

夏仲宣性至孝母汪氏嘗割股以療姑病及姑歿夫以哭母故暴病汪氏又割股以愈之未幾仲宣父歿汪氏守節數十年仲宣敬養惟謹既而母老病劇醫藥弗效仲宣乃焚香籲天割左股肉和藥湯以進母病遂瘳仲宣因著懷清錄余應荃爲之序稱夏孝子云

蝶莊集

國朝

溫奇梧捷生之子事孀母至孝乙卯賊逆攻城母涂氏攜女菊貞走高墩賊勢猖獗中途冲散潛藏於南始橋深溝梧至高墩問母不見搶地呼天必欲尋母眾止其行皆曰滿山是賊何處可尋梧曰我若尋母即遇賊亦無恨奮然沿山喊哭至張義坑賊執而殺之

義甯州志

卷之二十五

人物志孝友

八

周京字同文必強之子定省無懈咸稱養志割股療父病後被闖獲給賊救父自墮懸崖得不死事聞各憲屢行優旌子孔德候選縣子角廩貢兄弟有五聯鏡庠序

陳欽振字映北以納幼子少失怙遵母訓兩遇寇兵盲及救母卒獲俱全恤孤贈殯濟人澤物各憲廉其賢題其門曰孝友克全卒年七十子嘉宏孫懋彰有聲膠庠

羅錦文甯之窶人也儻居義井巷熒然一身析薪養母每得值即市菓肉歸治饌以進歲時不輟母年九十錦文亦五十餘矣依依孺慕如初母偶不懌則蹲地作斑舞狀解頤

乃已病則湯藥親嘗終夕保抱母偃僕不能行日負之出入無少倦覺温衾扇枕猶尋常事後母卒擗踊號泣依墓三年服闋寄跡山寺不知所終羅未讀詩書而孝敬出於自然州人士咸驚嘆之

熊元鳴字磐石別號持平世居奉鄉郭城舉人廷瑁父也事母至孝年逾九十定省温清始終不渝母沒哀毀骨立博學好古矜尚氣節屢試舉子業不售尋拜功曹考滿以省祭歸里有堂翁被誣逮獄鳴恐伯獨子斬祀請自繫以贖弟歸厥後寃白而骨肉兩全鄉評重之州守李公旌其廬曰蒲輪雅望詳給冠帶以榮鳴樂善好學凡醫卜堪輿諸書無不精研求濟於世里人急難傾囊以贈有麥舟之風一日集親友於寢前曰虛水在性往來無碍正襟危坐而逝著有矜生濟世集

義甯州志

卷之二十五

人物志孝友

九

許一愚字湯孫別字頑石奉鄉龍溪人康熙十七年母王氏方娠避楊寇於山中遇賊至懼爲所污奪賊刀自刺賊驚散家人奔救之及脫腹裂而一愚生王氏死矣乳養於伯母李氏稍長聞母死節狀輒號泣不止繼母張氏患瘋疾四載一愚侍湯藥不倦母沒一愚哀痛日啜粥一甌期年始疏食終伯母李氏喪亦如之鄉黨中皆稱曰許孝子雍正四年以廩膳生公舉孝廉中丞謝公文檄催應 詔辭

不就道七年考授貢生乾隆元年舉鄉飲正賓十年選授
弋陽訓導以年老辭十四年刺史許公旌表善人首列一
愚於申明亭家居教授學務實踐諳諳以孝弟力行爲先
年七十九沐浴正衣冠無疾而逝

曹遠容西鄉人有至性繼母沉疴醫葯罔效遠容焚香籲天
割股肉煮糜以進繼母病霍然以天年終

劉甯批
拾遺

張鉅賓字遜受奉鄉湖山人庠生鄉飲大賓事親孝凡力所
能爲者無不委曲以慰親意親歿廬墓三年嘗客鄰邑有
周某因貧鬻妻妻悲泣鉅賓亟贈銀數十兩令其夫婦完
聚置義塚施棺木以揜暴露終身不倦人皆稱爲長者云

義甯州志

卷之二十五

人物志孝友

十

查崇德字韶五別字嵐溪高鄉赤江人積學敦行與弟崇仁
字依宇者性皆孝友母盧氏病癰醫者鍼之下膿血數椀
崇德謂弟曰此吾母蓄血也敢傾與犬豕吮兄弟分吸之
無難色當春風晴和崇德與弟以肩輿昇母出遨眺玩花
柳聽田農秧歌嬉遊以快母心及母沒哀毀營葬朝夕同
拜泣於墓道三年然後止家居孝友每講學夜分互相送
迎乾隆戊子崇德考授貢士後崇仁亦以廩滿考貢至省
垣病歿崇德哭甚哀爲引柩歸葬王子補崇義縣訓導縣
士習淳樸崇德即本淳樸爲教親如父子年八十餘致仕
卒

余元壽州治人少孤傭力供母乾隆庚寅六月母患痢頗亟
洪水驟至元壽負母登樓水益高樓解元壽一手抱母一
手挾柱浮出修江至大橋灣約十餘里適取浮薪者救之
母子俱無恙痢亦竟已人以爲考感云

據府志新增

冷時梅字兆鳳號惺堂仁鄉東源人爲諸生時廉介自守父
蚤喪每述庭訓輒隕涕體素羸遇母疾侍湯藥不寐者累
月及卒哀毀幾殆析產後弟誤耕其已分之田或告之卒
置不問伯兄患疫方熾人無敢近梅率諸弟往省親執手
而訣祖宋學士覺齋官塚在昌江爲人侵占力白當事爲
復其華表翁仲每遇學士生日帥同族祭之祭畢具醪酒

義甯州志

卷之二十五

人物志孝友

十一

誨以孝弟之行里有不敬親者輒相謂曰慎毋令某知嘗
築學舍於梅溪終日以課讀吟咏爲娛子太學應元有倜
儻才戊午土寇惑楚匪爲亂東源水源盧源諸境密邇湖
南湖北界眾驚走應元止之糾健兒爲巡邏並堵截隘口
境賴以安後有欲白其勞於當事者應元哂曰義所應爾
豈以是區區者邀譽耶少與伯兄太學谷春同受父書故
孝友俱承家範子玉光受祖訓領甲寅鄉薦

盧禹仁號偉人世居盧源下車性至孝其母病亟禹仁焚香
籲天乞以身代未幾引刀割股和藥以進母病遂瘳子振
宗復割股療母疾事聞州刺史許給順德重光匾額以旌

之孫易道亦割股救父祖子孫三世皆有至行鄉里以爲難能

張材成字期因別字篤亭奉鄉湖山人父漢川年四十五病歿母榮氏哀毀過情咯血成瘵醫勿效材成旦夕泣禱穹蒼願以身代疾漸瘳一日母思食河魚材成冒霜晨至河干一網而得雙鰕母素嗜鵠兔畜雌雄以備膳每進甘旨母間病哽噎投箸不食材成亦爲之不食出必告反必面凡溫清定省事事必曲盡其心如是者幾數十年母年九十有二材成亦六十有八母歿哀痛勺飲不入口者五日浹月稍食饘粥淺窳西園朝夕守護者三年家無厚積遇

義甯州志

卷之二十五

人物志孝友

三

荒隨時賑貸族有因貧鬻妻者倡義先親屬捐穀以贍之與兄鑑亭友愛甚篤材成未嘗深於詩書而所行動合於古鄉里稱爲張孝子云

魏廷聘武鄉懷遠都人麟書子也家素貧無同父之助自少就學夕勤沾晷晷則力耕供養父患痿病聘出而樹菽負之以行坐定而後事事其有怒則效嬰兒戲以取悅寒暑不懈扶持者十一年事母恭順母沒廬墓三載室處不入旣除喪就試補弟子員肄業豫章十餘年每以不獲顯親爲恨逢親忌日輒悲泣不自已生平束身圭璧不爲齷齪苟賤之行以貽父母羞道光四年諸紳士追述行事呈報

兩學奉 州牧曾詳請 旌表

按州方志載雷徹李行權陳廷策皆刲股療親疾者班
志列前明徐之禎徐師伊 國朝徐嘉達於孝行類自
雷徹以下六人俱未立傳今亦無從考証錄之俾不沒
其名

王集義字浩然號剛峯崇鄉塘灣人幼就傅即喜讀孝經母
林氏沾風痺集義扶持抑搔無少懈母沒痛絕復甦者再
欲往廬墓父止之父旭年八十患淋疾集義食立其傍寢
卧其側如是者六年比沒結茅墓左獨居三年非大故未
嘗須臾去墓所伯兄早喪撫姪如己子季弟析居中落仍

義甯州志

卷之二十五

人物志孝友

三

呼與同爨鄉人欽其行欲請 旌於當事集義堅不許

李厚修字達三武鄉漫江人父早喪事母莫氏朝夕不忍離
家貧甚奉養必備甘旨温清定省兢兢不失尺寸四十餘
年如一日母老病風痺厚修日侍湯藥夜眠母榻微聞呻
吟必四五起衣不解帶者十有四年及沒營屋墓傍日必
筐筥就墓祭夜必苦塊就墓卧如是者又三年兄弟三人
待兄如父弟早世撫姪如己出生平依依孺慕奉老母外
惟耕稼種蔬絕不與他故里中能文者往往樂書其事以
爲末俗勸 以上甲申志

陳洛字西十號傳巖崇鄉遠溪人昌言第二子也穎悟過人

權奇倜儻循例入太學讀書喜小學孝經能力行其實曲承親志數十年如一日其父被誣逮省洛捨身上訴願以身代寃卒白乾隆丁巳父纂輯州志先後重修

文廟並經紀其事父歿哀毀骨立築廬墓側洛肩任家政三年不道及家事惟向墓流涕而已兄弟十人友愛倍至嘗數千金弗與校本里攝溪濶十數丈行人病涉其父屢欲建橋未逮洛道遺命捐金倡建石橋名花橋歲飢減價平糶率以爲常遇公慷慨解囊樂襄矣舉蓋終身無改於父道云補遺

陳紀字步周號雙湖崇鄉程坊人讀書未遇授例入上舍性

義甯州志

卷之二十五

人物志孝友

十四

至孝父以納寵拂意遊金陵娶妾不反紀往覲勸歸怒槌流血仍和氣婉容卒回父志遇疾病必躬治湯藥不假奴婢母患癰醫謂吮其膿血方可療治紀親吮之嘗夜半焚香告天默祈上壽父臨終語之曰讀書爲善做人家爾所知也吾有志未逮者爾當勉力爲之紀哭泣瀕死勺飲不入口者數日祭葬盡禮人無間言繼父志捐金重修

文廟州建南崖文峯塔捐銀三百兩命子應楷董其事居閒常以父訓教諸孫子卒年七十二補遺

龔顯字如金號令亭世居安鄉源頭至顯遷十三都之黃沙橋父泰和生子二長即顯性至孝四歲時母以肉食奉祖

姑姑與之不食曰吾以遺母也九歲就外傳喜涉獵獨於
孝經百讀不厭曰此百行之原舍是何書可讀甫冠父齒
衰力膺家政不以細碎事累老人心左右起居務洽其歡
而後止泰和卒捨地呼天水漿不入口既葬廬墓三年初
泰和寢疾顯禱於大板尖有履虎無危終見凶之句顯快
快歸悞入僻徑墮虎穴得不死返而泰和竟不起至是每
聞虎嘯聲輒繞墓痛哭既而母病市藥涉澗山水暴漲被
湧去顯亟呼曰天乎何使我不得救母乎恍惚間若有負
之者登岸藥猶在手歸而進之一服而愈人以爲至孝所
感云母七十九卒亦廬墓三年顯爲人豁達大度與物無
忤而又樂施予嘗曰吾聞諸親矣爲善勿使人知乃爲真
善故往往有陰助之而莫解誰何者道光四年題請奉
旌給銀三十兩建孝子坊於本里黃沙橋崇祀忠義孝弟祠
邑進士袁鳴謙作孝子傳

徐安臣號石堂安鄉十都塘夏人性至孝九歲時母歐氏歿
繞棺號泣攜之不去父九溶繼娶龔氏生二子龔性偏不
慈於安臣食必異處鞭詈不時安臣怡顏忍受不令父知
尋九溶稍稍聞之背地問臣曰汝母虐汝乎曰無是事也
形色自若而父終疑一日自外人適覩安臣食急掩之不
及九溶大怒盛氣斥龔欲出之安臣進而跪曰父不聞聞

子事乎兒雖不敢况聖門母尚不至若是之甚也極力周旋父容旋霽而事龔益謹慎龔自是爲感泣視如已出稱慈母焉蓋孝之所動也安臣生平曉暢大義讀書有胆畧年七十餘卒武邑舉人熊應周爲作孝子傳子三次華字岳西號隱泉力學能文於書無所不讀尤取信於鄉事無大小得華一言鄉人咸服蓋生平和易近人不與人較長短而里中義舉恒揮金不惜人以爲克承父志云

桂殿字文潤西鄉六十七都人力學篤行幼失恃事繼母以孝聞親歿廬墓肖像以祀有句云別親何易會親難思慕終身忘覓顏欲得真容昕夕見還須刻木效丁蘭倡修宗

義甯州志

卷之二十五

人物志孝友

夫

祠橋梁道路父遺田租五十餘石爲課讀資諸姪私售不責償人以此益高其義

桂爾揚字勝旃號香遠西鄉長湖人沉潛力學至性純篤父患痢侍湯藥衣不解帶者旬餘劇甚焚香籲天祈減已算益親壽病旋瘳親喪廬墓哀毀骨立遇生忌日奠祭輒嗚咽淚泫泫下孺慕之忱垂老弗衰梓有惜字說一卷應道光庚寅歲貢三舉鄉飲正賓

太學生韓其芬號竹塢泰鄉車田人父世瑞援例授巡檢補官風痺未就芬日侍湯藥不離左右父沒芬承父志撫諸弟成立餘閒寫字作畫甚精工士夫家多寶之母陳氏盲

年九旬餘居喪日芬亦七旬以外哭泣盡禮人咸稱白髮孝子云

一庠生丁達字省張號曉峯西鄉七十都路口人父早世兄弟皆佃儻母愛甚欲爲拔例就職選達跪而辭曰兄可仕達不可仕長依膝下較顯宦尤至樂也兄良進任福建良興司巡檢達在家事母色養兼隆數十年如一日母歿哀毀骨立祭葬如禮兄歸耄年友愛若孩童狀凡推財讓產好義急公諸愍行至今傳頌弗衰云

監生冷英華字浣垣號順圃性好義賑饑荒修橋路拯危急諸善舉指不勝僂少失怙事母以孝聞兄貢生逢恩知縣

義甯州志

卷之二十五

人物志孝友

七

豐年極友愛常以詩詞倡和至老不衰道光十二年仲兄卒於蘇慕信至欲自往迎柩母勿許乃遣伴扶之母八十四考終哀痛極至廬墓年餘病卒子待詔采芸次按照磨采蓉倡建仁義書院捐田租五十石可謂箕裘克紹云

胡桂攀字德三號活溪武鄉帶溪人營干總性厚重簡默事親先意承志思爲善以貽令名兄弟友愛白首無間父命析箸有年攀率諸弟既分而合食指百餘肅雍退讓有義門風壯失偶不再娶人咸義之道光庚戌年學使張文毅公采訪忠孝節義州人士上攀名額獎行修誼篤並沐彙奏咸豐元年制科舉孝廉方正州牧葉以攀應詔辭不就

年七十二歿易簣時猶炯然不昧云

袁翰書字植襄號香谷武鄉東潁人六歲失怙母陳氏通經史善詞章以子幼而孤教督有法書先意承奉一若成人就師家塾每日晚必持其所課以博母歡逮長奉養倍篤母常病咳徹夜不寐書衣不解帶者七十餘日蝨纍纍墜勿覺也頗嗜酒母勿輕與必面試詩文一藝善然後以一孟賜之書亦藉代舞彩焉弱冠府道試俱冠童子軍入州庠領庚子恩科鄉薦以老母不欲仕進母迫之試春官兩薦不售遂絕意進取依依奉母年近六旬孺慕不少哀母沒葬祭廬墓致哀盡禮生平儉樸自奉於義舉則慷慨

義甯州志

卷之二十五

人物志孝友

六

成之如書院賓興軍需團用義倉橋路約費數千金無難色每行一義事母在輒喜曰汝能若此吾可以對爾父矣咸豐元年詔舉孝廉方正葉公聞於大府以母喪辭後任金谿教諭卒於官年六十九

涂驥雲字亮和號德閑安鄉人徙居七都十科里少讀書有深心見父操家政過勞舍業襄理父稍不懌必婉曲承顏待其霽始出母七旬患痿痺驥雲須臾不忍離日扶持抑搔之夜設榻床前視聽於無形聲浣裙滌牖從不以童僕諉如是者十餘年如一日性好義凡救荒卹災捨藥施棺平路修橋築州城培學宮助賓興倡團練排紛難諸懿行

尤彰彰膾炙人口平居訓子姪惟引先正格言一門傑僂
晏如也壽七十有八臨終尙以爲善未足爲惜遺命治喪
遵古禮勿用浮屠議叙八品以子家杰揀選知縣晉同知
銜

誥封奉政大夫

程惟賢仁鄉西源人性孝友父沒哀毀盡禮撫諸弟均成立
母彭氏奉養得歡心年八十餘患瘋疾醫者咸謂不治惟
賢焚香告天割左股和藥以進病遂瘳逾年無疾卒

晏達治西鄉七十都人貧乞食有所得雖饑極不敢嘗必先
以奉母母有憂色每跳躍謳歌以娛其心歷數十年如一

義甯州志

卷之二十五

人物志孝友

九

日母死人感其孝歛金葬諸野達治卽廬於墓所荒山日
落豺虎成羣畧無怖意獨號泣於酸風苦雨中哀其母常
爲結辮不忍復櫛短髮鬚髻人呼爲大辮子不識者咸驚
爲仙逾十餘年卒里人哀之爲附葬焉

王慶洪字念勤號海崖奉鄉水碧源人武舉元標次子幼聰
穎軼羣工舉業年十七母陳氏卒痛甚得心疾从乃愈旋
以父齒就衰弃儒業理家政凡分所得爲己所能爲者靡
不孜孜焉道光甲辰父病慶洪亦抱恙勉力侍奉罔間晨
夕父浸危披頰跣足泣禱於神旁觀爲之垂涕及歿痛毀
骨立乃曰吾所不敢忘者終父喪事繼母耳今若此可奈

何惟念吾兄弟守遺訓吾子逾十齡亦頗知吾意吾可從
父母於地下矣數日歿繼母余氏生平順事如生母始終
無間鄉里稱爲今閔子云

梁仲敏字占鰲號紫筠州庠生下崇鄉人幼聰穎有奇童之
目肆力於經傳子史及長博覽天文地理參修元默赴鄉
試屢薦不售道光甲午父沉疾刲股和藥一飲而瘥踰歲
父沒喪葬獨行古禮廬墓三年痛父疾無治法遂留心方
書發家藏醫經精心參考申以獨見名曰醫理蹄筌自題
云盡拋經史舊工夫學得醫成淚眼枯千載寥寥終抱恨
方盥無計達冥途復著優鉢鑿花記十四卷各體俱備稿

義甯州志

卷之二十五

人物志孝友

三

被兵燹僅存一二人咸惜之

樊子安字齊德號潤田仁鄉大橋人幼讀書未遇改習騎射
援例授千戎職性至孝父見背廬墓半載事母愉愉得歡
心母以地方橋路多圯命捐租歲修公祠無長燈命置田
備之均唯唯母病卒適賊犯界人有勸從權速葬者子安
與兄仁輔顧兒輩泣曰人子事親養生送死兩端耳萬一
賊至我兄弟與母合葬可也卒不許平江統軍李元濬聞
之星夜馳勦賊遁殯櫬成禮廬墓仍數月焉晚年癖經史
尤好覽功過格如施茶捨構賑饑衣寒修橋道培孤塚印
善書焚貧券諸善舉悉遵程式案頭置日記一帙緘悉必

書其防檢蓋有人不及知者年五十一一日方坐談忽如
睡狀遂卒小選復甦大笑而去鄰里驚走相告哭於門者
千餘人殆積誠感發於不容已云方伯李元度爲之傳

許信安安鄉十二都人母袁氏患病百藥不效信安焚香籲
天割股調羹以進病尋愈鄉里驚爲神助

龔宴林安鄉塋培人性至孝父染沉疴將不起宴林焚香告
天割股肉作羹進之病若失後宴林病子步衢亦割左股
和藥以進疾遂霍然步衢體素羸弱當割股時血流暈絕
逾時始甦後父偶見斑痕詢知爲之感泣

龔世乙字金榮父病噎引刀割臂療之創痕經年始痊

義甯州志

卷之二十五

人物志孝友

三

奉鄉王多壽事親色養兼至母病諸醫束手壽割左股肉和
粥進之母立起人以爲至誠所感云

奉鄉儒士張衢雲事親以孝聞同治三年母病割股和藥起
之次年病發復偕妻程氏割股以進及沒廬墓數月冷雪
淒風獨栖邱隴

張廷奎別字一峯奉鄉湖山人天性純粹年十四父患氣疾
奎躬侍湯藥虔禱於神具疏願減己算益親壽日夜跪誦
經文數月父平復如恒乃已十五出應童試屢列前茅未
幾補弟子員兩赴棘闈均與薦尋病卒鄉里惜之

李玉圃字次琢高鄉嵐鄆人性渾厚以耕讀孝友傳家子三

人龐眉皓首怡怡聚順共爨九十餘口歷無訶諍聲和氣
凝祥眼觀五代里黨稱爲義門云

吳廷康字象賢號坦莊國學生祖偕父並早喪康事節祖母
汪氏與節母汪氏俱敬謹如禮及祖母歿康哀甚廬墓兩
月適母痛姑成病康乃歸養未幾母歿康哀益甚廬墓百
數十天孝事重幃始終如一鄉里賢之

陳宏仁泰鄉洋湖人竭力事親終身孺慕母疾割股以療危
沉父病嘗糞以驗吉凶鄉里到今稱之

龔昇字立勲號默莊安鄉白茅洲人太學生事親有至性幼
失怙嘗值蒲節母偶不食昇與家人均輟饌翼日具甘旨

義甯州志

卷之二十五

人物志孝友

三

以進母食之然後食待昆季極友愛弟慎齋常負氣不相
下及析箸田園什物擇肥美者讓之已而慎齋家漸落昇
繼粟繼肉維持調護至老不衰他如施藥餌修梁道賙貧
困諸義舉尤有不能殫述者年六十七無疾而逝

葉清字軼千號伋亭崇鄉雙溪人州同職性倜儻敦孝友事
親不違左右及沒廬墓三載寒暑未嘗離兄弟五人清最
少四兄皆早逝長存弱嗣次遺寡嫂三四未婚清生四子
以次嗣寡嫂王氏並爲請旌建坊三四無嗣不繼以子
則坐視絕祀繼以子又減損孤姪寡嫂之產而獨擁之心
竊憾焉於是囑其子各爲承祀而產不另授至今鄉里猶

嘖嘖稱其事不衰他如義倉書院考棚橋梁道路諸美舉無不捐輸仗助而建寺觀施棺木尤能獨力持之蓋其祖應麟父文簡世有厚德清克繼述而張大之云

陳克繩號紹亭八歲時讀子游問孝章瞿然曰愛而不敬罪也由是定省皆有儀節情文兼至數十年如一日父老患目疾幾廢克繩焚香籲天齋粟待旦以舌舐其父目旬日遂豁然復明里人涂鵬里數稱其孝答曰人必無媿爲人乃無媿爲子夫惟聖人乃能爲人故朱子謂司馬君實爲九分人吾屬視溫公何如可謂孝乎原籍閩杭有祖墓克繩挈貲走千里置祭田間歲必命子弟往修省治家有法

義甯州志

卷之二十五

人物志孝友

三

度宗族取法於宗祠族譜及考棚義倉諸善舉皆極力倡成之歉歲出粟賑貸並遠糶平糴以助不給與人言必依於孝弟鄉里化之至今思之不衰

陳偉琳字琢如號子潤幼有至性母病醫治罔效乃晝夜攻歧黃術審治遂瘳父年八十餘偉琳年垂五十矣承歡如嬰兒有老萊子風父克繩故好義偉琳承先志凡書院賓興表揚節孝所以毓人材善風俗者皆孳孳焉性好學尤喜陽明書謂近日俗學支離如浮沉大海中不識所嚮則陽明誠救時之學也訓子弟及親戚後進必勤勤啟誘終日不倦雖農夫野老亦敬而愛之感化者眾嘗著有勸孝

淺語錄松下譚等集長沙郭嵩燾爲銘其墓

余廷規居清涼善事繼母熊氏年六十六喪繼母哭泣耐其父合前生母隴廬焉數月不勝哀痛以死初繼母病足廢且老廷規負之出入每春日纈背園林聽鳥看花娛而忘疾日進珍羞夜談笑至更闌依依孩赤者凡四十一年繼母卒之歲八十又七廷規白首尋厥初心終焉莫之自問以是自號曰壽初

陳翰字葦汀別字未堂崇鄉遠溪人增廣生性至孝母侯氏病劇湯藥親調衣不解帶者累月兄弟怡怡一堂詩酒琴棋風雨酬唱析產時取硯讓肥不以爲意生平無他嗜好

義甯州志

卷之二十五

人物志孝友

十四

經史外潛心醫理斃死人不能醫問其方服之立已貧病無措給以藥餌不問償里中至今頌之著有本草藥性主治訂要五卷

藍益三武鄉二十九都火田源人性至孝母早喪事父先意承志孺慕依依父年近八十艱於步履益三左右扶持每當月夕花晨牽裾遊覽色笑怡然逮沒哀痛哭泣守墓三年里人往往於夜半時見白光如珠照映廬左殆其誠孝所感云

鄭彙書號集圃太學生安鄉油嶺人性篤孝善體親志待諸父昆季敦謹無間言析箸時田廬讓肥美者人以是義之

迄今子孫蕃衍家門雍睦其流風遺範猶膾炙人口云
陳輝嶽字自東武鄉三十二都人母蚤喪事父以孝聞及沒
寢苦枕塊葬祭如禮守墓三年不避風雨其他好善樂施
如捐修山口打禾厰螺獅崖路及梅溪山口等處津渡不
吝多金鄉里賢之

徐建邴字仲宋號古愚泰鄉七都人少孤事母孝母不憚跪
請杖俟顏霽而後起及沒哀毀骨立三年不入肉不與宴
即居恒飲食從不就几筵性端介出入不苟一錢鄉里目
爲長者年八十二卒

車松嶙崇鄉人業農頗識字自少以孝聞服勞奉養唯恐拂
義甯州志

卷之二十五

人物志孝友

三五

親意母胡氏嬰瘋疾常在床褥嶙日侍湯藥飲食起居不
忍須臾離如是者三載母沒戚不廢易倚廬如禮

何達紱字卜卿號黼堂州治人幼聰穎工舉業弱冠補弟子
員九歲失恃事父先意承志父老出入先後不忍離待兄
弟極親愛紱於孫行居長祖遺有長孫田析箸時悉推讓
之兄弟固辭弗許也年五十八卒

陳永隆泰鄉八都人少孤事母孝扶持抑搔温衾扇枕寒夜
暑晝無少倦母老行止艱澹永隆親解禪裙滌臉厠及沒
哀毀骨立時永隆年亦衰人稱白頭孝子處鄰里終其身
無忿疾至今頌之

戴宗瀧安鄉懷遠都人事親以孝聞父年九十餘瀧常依依膝下無須與離左右兄弟五人白髮一堂怡怡相對壽百歲無疾而終

甘盛萬號叢圃高坊人性孝友父亮齋病殊萬奉侍湯藥衣不解帶者數月父歿事母亦如之兄弟六人一家百十六口肅雍退讓有義門風至如捐助橋梁道路諸義舉尤有指不勝屈者年八十四無疾而逝

馮尙達號西軒崇鄉懷遠都人性敏嗜學屢試未售援例入成均旁通歧軒堪輿以濟人利物爲懷處家庭以孝聞祖母病草尙達日夜侍焚香告天願以身代既歿哭泣瀕死

義甯州志

卷之二十五

人物志孝友

三

廢寢食者七日遂鬱鬱成疾卒

帥燦朝崇鄉司前人性至孝咸豐五年四月十八日粵匪鍾逆猝至朝負母走母見賊近令獨逃朝不從賊至及傷母手朝抱之大哭賊怒殺之

劉煥文崇鄉人幼孤家貧傭工得值必備甘旨以奉母母病手足不仁沐浴梳洗皆煥爲之數十年如一日里黨稱其孝者無間言

魯殿升崇鄉小斗嶺人事母至孝家貧日爲人傭工天未曙即起備晨炊告母而後出晚輒先歸具夕膳母好食餅肉嘗以傭工所得值奉之無少缺盛夏隆冬弱枕溫衾依依

闈下母年邁性躁時加譴責殿升善回母意轉嗔爲歡其孝行肺篤數十年如一日鄉里咸推重之

周廷祥崇鄉台源洞人事母盧氏至孝冬必溫衾夏必扇枕母跌傷臀腿廢不能起梳洗飲食皆祥爲之家貧出爲人傭工日必三四反以承色笑所得值不給甘旨多方稱貸母病性益躁祥婉容寬解而默地滄泣不輟其天性真摯類如此

鄒爾耕泰鄉三都人安貧硯食竭力事親父歿適寇至冒刃伴屍賊憐其孝宥之贈以銀卻不受寇退乃葬以母獨居蕭條迎養館中定省溫清十餘年如一日母卒哀毀骨立

義甯州志

卷之二十五

人物志孝友

三

寢苦枕塊陳饌靈前勸啜如事生然服闋每歲除夕攜湯飯伏墓前呼噎流涕聞者哀之

張五車字來聘仁鄉台莊人職員同懷六人二五早世五車同三弟事親孝謹居恒友愛異常聚首庭幃互相勸勉由是家漸饒男婦合爨至百餘人一門和順秩如也三弟俱援例授職迄今書香繼起子姪多蜚聲庠序云

龔以平字行初安平鄉人太學生爲人礪落光明鄉鄰推重甫冠失怙事母孝晨昏姻媵唯恐失懽心兄弟八人各如其性以待之怡怡一堂母疾親侍湯藥未嘗頃刻離數月積勞致疾及沒哭泣過哀疾益篤尋卒

鄭志堅號蘭軒安平鄉人職員秉性醇厚篤故舊重然諾事父母尤以孝聞委曲周至竭力單心父病割股和藥進之病立愈年七十六卒

徐錫蕃號康侯泰鄉七都人性篤孝六七歲時得果餅於鄰家歸必遺之母然後食親有疾倚床滄泣不忍頃刻離少長從父學父督之嚴錫蕃發門坐誦兢兢然唯恐拂父意年十八應州試刺史王維新拔冠童軍補弟子員數月以生平苦學積勞病卒刺史聞之流涕爲誌其墓

泰鄉葉立三風骨凝重賦性樸誠父見背祭葬如禮母患沉疴立三餌藥親嘗寢不解衣者累月瀕危引刀剖股肉和

義甯州志

卷之二十五

人物志孝友

三

藥以進病立瘳立三秘不令人知後傳自其家婦孺云

周茂益號受齋崇鄉溪口人生二歲而孤有至性年六歲適土匪劉聯登作亂母囑隨人先逃不去及長力稼穡凡母所嗜必備物以進有所爲未稟命不敢行子婦耕織或忘怒呵之聞母聲輒止小有失母或不歡必悚立受責俟威霽乃退年六十母終喪葬畢遂得手疾數年而卒易簣之際猶囑子孫曰吾少孤賴母苦節延此一綫爾輩宜訓示後人俾世世無忘罔極也

查承歡字豫占號梅井高鄉人父諸生昆季三人歡居長父以承家學期歡歡辭以貧困恐爲父累父憐其意聽之年

十四負販助甘旨稍長攜仲弟力稼穡茹苦啜辛惟日備
酒肉供堂上家小康以不能讀父書爲憾遂命季弟從父
學資斧無少缺親沒喪葬如禮服闋異居以腴田予二弟
自取磽薄者至如急公慕義周貧民培孤塚尤孜孜不倦
云年八十四卒

朱集賢字殿鞏仁鄉下衫人母陳氏年九十餘躬耕奉養暇
則扶持抑搔備得歡心兄弟五人白首同堂怡怡如也

彭忠莘字沃耕仁鄉團石里人後母劉得膈膈症莘侍湯藥
廢寢食者七八月忽奄然逝莘以氣吸其口再三劉復甦
曰吾年止八十有四冥中以爾孝篤得加一齡後果驗

義寧州志

卷之二十五

人物志孝友

无

徐超栲字樹南號衡谷太學生高鄉黃源人祧父秋濂年十
九卒母李氏苦志守節栲稍長事之一如生母讀書屢試
前矛念母持家政勞甚棄舉業援例入成均篤志侍奉溫
清定省數十年如一日母邁沉疴栲躬親湯藥衣不解帶
者累月病篤朝夕禱天地願以身代病遂愈年五十餘病
不起囑其妻李氏及子曰予不克終事孀母爾等奉養祖
母毋徒養口體也子爾鵬爾鳳爾麟竟能克承父志光大
門閭人咸以爲孝所感致如此

盧希芳崇鄉人父某以祖塋罹法放廣西蘭州芳隨之父魯
卒芳誓必墓桑梓因識其殯處而歸家貧傭工積金贖取

父骸中途遇變而返旋假金族中携子德桂同往取之行
十餘日芳病沒桂乃攢父尸負祖骸以還每夜分孤踪迷
亂若有人導其前者人以爲孝感云

鄭濟勺號坦齋安鄉箔竹人性至孝竭力躬耕以養父母雖
嚴寒盛暑不憚其勞飲食起居備極怡色閭里皆感化之
惜不永年

黃應亨字懿恭號心園泰鄉七都人性至孝父病噎服藥罔
效應亨奉侍左右衣不解帶朝夕焚香禱天願減算以延
父壽數月病若失侍母亦如之及親沒祭葬如禮哀毀動
人鄉里稱爲真孝子云年七十餘卒粵東黃振成題其墓

義甯州志

卷二十五

人物志孝友

三

熊植三仁鄉塘段人性誠樸事親以孝聞父海祥病躬侍湯
藥不忍頃刻離及沒葬大椿里之虎形廬墓數月敬謹如
事生然聞者哀之

羅照乙渣津人學有內行歲教授館穀養母習知本務者數
十百徒廬爨臣匡翔鳳其高足也母老照乙年踰五十依
依猶孺子慕母死廬墓三年未嘗一釋服聽樂里人皆稱
其孝云

丁隆字暉吉號爛臣西鄉人咸豐元年奉

旨旌表純孝給銀建坊

義甯州志卷第二十五中

人物志

義行

唐

胡鏐字國器武鄉人南唐江州指揮使則之曾孫也性剛毅尤樂善汎愛四方士來遊者輒授餐適館先是邑米就郡輸賦川陸往復甚艱吏或追催民實勞苦鏐乃遍召十鄉之籍高者萃於邑力議不便率眾庭訴於邑長毛丞面陳利害乞自郡聞闕以苗易絹邑長嘉所見尋蒙勅旨允行一邑編氓受賜皆鏐之謀也

義甯州志

卷之二十五

人物志義行

元

祝甯字壽夫吳仙里人性仁厚資產盈饒歲凶輒發廩穀以貸貧者不索羨鄉人賴之更設粥斷壘煮茶市屢以給往來每歲暮擇鄉里並宗族有凍餒者量出鹽米薪炭給之君子謂其積而能散號仁山卒年八十有九

桂俊英字芳三西鄉六十七都人有智畧家素封元季盜賊蜂起率鄉人捍禦之至正十年歲大祲出粟千石洪武二年復饑仍出粟七百石分賑鄉里有司屢旌其門他如施樁木給棉衣歲以爲常長子伯昂承先志貧乏稱貸不責償次伯昇永樂中以人材任滎陽縣尹有政聲

明

查雋字元凱高市人幼孤弱冠從鄉先生程翼學永樂初舉孝廉至京師以目眇而還遂號歸樵營郭西別墅構東西二樓蓄古書數千卷禮致師儒訓迪子姓親故子弟來就學每資其餉時放棹犀津或扣舷而歌有飄然出塵之想嘗以故居假人斲地得金歸之雋曰是殆天以與汝者謝不受邑子阮省醉亡賈人金賈索之急阮欲自殺雋聞往諭止之乃宣言於市曰有得亡金者以穀酬所值明日市人果持金來遂如值酬之以歸阮又嘗之野有古墓遭發掘者亟命童僕以土掩之歲歉邑行勸分雋出粟千石輸之於官復設糜哺流丐

義甯州志

卷之二十五

人物志義行

二

所活甚眾有司上其事隨命立石旌之卒年七十一邑人蔣俊緣情起義爲之服葺周茂蔬食三月吉水劉彌服總麻祭酒胡公儼稱其美行出於自然爲銘其墓有歸樵集行於世榮侃字正言武鄉蛟山人宣德甲寅秋冬民阻飢至乙卯夏尤甚臬司石公行勸分之令侃發積粟六百石轉運至省石公遂分以濟南新二縣之飢旣而侃又運五百餘石輸於縣縣丞黎斌藉以賑濟民免餓孳事聞於朝勅旌侃爲義民立碑以表之祭酒胡儼撰記

帥志賢字伯達武鄉排埠人讀書尚義性喜施予正統辛酉歲大飢志賢輸粟一千二百石賑之有司上其事旌表其間給

以冠帶蠲其徭役勞以羊酒志賢詣謝賜宴光祿寺一時翰
林編修吳公節待詔沈公慶都御史張公清陳公求蕭公政
等咸贈以詩文南還具載家乘厥後子孫頗知紹述前徽州
守黃公誥蘇公得祿嘗顏其庭爲忠孝世家以風巨室之閉
糴而專利者

查恕字恕已號茶溪孝廉元凱第三子有才識不樂仕進心存
利濟正統六年民阻飢出粟一千一百五十石以助賑濟朝
廷錫以璽書勞以羊酒旌爲義民縣學鄉飲酒禮請爲賓者
六子孟太以孝行稱孫仲穆字一和嘗以歲飢出穀六百石
賑之都憲周季麟爲浙江左參政聞恕歿傷悼甚人問之答

義甯州志

卷之二十五

人物志義行

三

曰麟自爲童時迄於有官感查氏三世教愛周助之德而茶
溪遇我尤厚愧無以報也及致仕歸拜其墓而銘之

劉海澄海清武鄉東潭人正統六年歲大稔飢民嗷嗷有司行
勸分之令海澄兄弟廬念民艱共出粟二千石用助賑濟飢
民全活無算事聞勅旌義民勞以羊酒因赴闕表謝賜宴光
祿吏部議授八品冠帶鄉里榮之

張敬正統六年歲飢出穀一千五十石助賑制勅旌爲義民

志補

入

陳昇字萬輝號溪山州治鳳山人孝廉鼎之子正統六年甯飢
出粟五千一百石賑之有司以聞奉旨勅旌義民

查孟常字秉庸勗季子也幼孤嘗從鄉先生周銘學日記數千言弱冠究竟墳典至司試之游邑庠未幾母病劇乃謂人曰吾遺腹子母氏鞠育甚勞生不能養是天地間罪人也即日辭於明倫堂下學司爲白其事卒如所請侍養焉母病亦瘳伯兄早逝撫其孤若已子奉母志也成化壬辰劇賊羅萬珪騷擾鄉村聞孟常名過其閭獨不敢入歲饑發廩以給貧餓不收券日爲饘粥衣履以給丐者復告有司願爲犴狴給糧至秋成乃止平生儻尙義類皆如此晚年即秀水旁構屋數十楹貯古人典籍延師訓子四方名士來遊者每爲下榻燕會親友往復鷓咏無虛日嘗自謂曰吾無以自况惟名與義甯州志

卷之二十五

人物志義行

四

字差近耳遂自號曰庸齋編修程公楷爲之記卒年六十有六方與文士袁公儒飲酒數行含笑而逝子長仲儒次仲道以仲道貴贈兵部車駕司郎中

劉用禮以効義授冠帶景泰六年應陸令普勸獨修譙樓天順三年應羅令珉勸卽景濂書院遺址捐貲獨建濂溪書院成化十四年用禮子淮又應蕭令光甫勸重建正堂三楹祀濂溪先生房廡露臺寢室齋舍庖湍之所咸備

胡浪字攻聲帶溪忠節敬方六世孫紹美子也紹美孝友仁讓饒富好義浪承父志以豪俠稱成化間歲比不登遂竭所藏救飢邑侯以聞授宣義郎坊表其門爲尙義後以縣中學宮

荒蕪捐貲修葺僉事劉仕賢嘗過其里爲之記曰成化元年
乙酉洪水爲災饑饉洊臻雖在上者發廩設糜蠲租減賦難
盡登殘孑於春臺邑之人苟有樂義好施者任卹通濟於其
間亦所嘉賴也攻聲胡子巖穴之士也生平儉有餘貲以周
貧乏睹邑之飢惻然引爲己任凡宗族中近有服者計口多
少以養鄉黨鄰里遠疎者計家眾寡以給又復輸粟於官助
賑其所不及竭其藏未足而益以稱貧邑之人咸利賴焉事
聞諸朝天子嘉其義詔有司坊表其門曰尚義之門拜官宣
義郎往時從兄南湖爲予稱道其事心竊慕之恒以無因得
遊其地爲恨戊戌秋恭膺簡命監察西蜀便道分甯之帶溪
義甯州志

卷之二十五

人物志義行

五

問訊南湖因得見所謂義門者而厥孫宇泰一峯輩咸相率
以諸生禮來謁益喜聞所未聞嗚呼側身里巷之中乃能切
痼瘵任恤之義是即與之高爵厚祿未爲過區區宣義一散
員豈溢美哉爰記其事以爲鄉里法若夫攻聲子孫其必有
大其門者矣

國朝

陳密字唐牧別字薰溪崇鄉遠溪人廣文昌言第七子性至
孝有幹濟才權奇倜儻施於邑者皆大事乾隆丙子歲飢
出穀平糶戊戌大飢出谷數千石以賑全活者眾藩府二
憲聞之委刺史達勇額旌樂善不倦丁未飢亦如之辛卯

刺史邊學海倡修濂山書院密與諸紳捐金鳩工既成復捐田租百石以益膏火請於刺史增肄業生五名州西二十里有杭口橋爲荆省通衢人圯密憫行旅病涉捐數千金鳩匠伐石親董其役自癸巳秋至甲午冬橋成名曰寶善刺史徐肇基爲之記旋倡議修

文廟密以大成殿爲先人昌言建修且先世祖郇肇造於前明因與諸弟姪繼述鼎新己酉歲大府議新郡學檄下七縣一州士紳至郡密獨允修大成正殿東西兩廡及櫺星門工旣竣規模闕敞甚壯觀瞻復捐田租百餘石以備修葺又於郡學東建依仁堂三重俾士子之應試者藉以僑寓

義甯州志

卷之二十五

人物志彙行

六

時陳觀察蘭森倡修郡志中丞謝啟崑議刻宋任淵史容季温三家註黃山谷內外別集密與捐金枝讐付梓二書成而一郡文獻足徵嘗過遠溪故居見溪水湍急艱於利涉立召工匠造石橋一座名曰花橋江州崔進士謨名士也爲刊其著述行世至於禮賢愛士恤貧賙困勤勤懇懇至老不倦卒年七十有七以子希賢貴

晉封中憲大夫

榮廷彥字煥然候選州同乾隆己卯知州周作哲奉檄勸捐修城廷彥捐銀四百兩又爲其孫錫楷代捐二百兩巡撫

輔德咨部奉

旨分別議叙旌其門州學宮大成坊鳩工選石鼎新費數百金
遇歲歉傾園減糶或稱貸不責償鄉鄰稱善子萬倫兄弟
皆克承父志孫錫楷進士立鰲亦昌武舉人以為厚德之
報

胡全泐字益滄武鄉帶溪人博學多能工詩善畫乾隆丙子
戊戌歲大饑竭力捐賑百里內外無菜色甲辰春荒絕糶
乃出金市穀減價以應鄉鄰之嗷嗷自春徂夏周給無少
懈丁酉刺史徐學正曹倡修黌宮全泐捐金五千獨修大
成櫺星門及文昌宮魁星閣蔚為鉅觀其文昌魁星神像
鬚眉襟帶天然造巧不假雕飾皆搜尋深山古木而得見

義甯州志

卷之二十五

人物志義行

七

者稱奇協修濂溪書院分刻山谷全集欣相贊理年七旬
宗伯萬文恪公欽其高誼親製詩文以壽德初全泐傾貲
賑荒家道中落在庠諸孫曾讀書幾缺膏火而全泐不悔
也嘗以產鬻人賦詩云亦葉無荒惟藝圃千秋不賣是心
田其拳拳樂善如此叔子鏞積學有詩名著桐門詩集二
十卷

何曰機泰市人庠生樂行善事雍正四年捐修名宦祠凡橋
梁道路無不獨力修治當事多獎重之子津字居泰號問
渠乾隆乙未重修名宦祠倡建 關聖城隍二廟壬寅訖
戊申續修郡志前後捐金六百兩甲寅增置青雲門外渡

船助安鄉湘竹金盆里租二十六石以贍舟子至嘉慶戊辰津子瑞臨等因公修浮橋撥助原租以供守橋工食他如犀津薰溪各渡及文塔諸義舉悉能捐租襄事

張楊斌國學生以創建社倉捐穀四百石給八品頂帶歲飢出穀數千石減價平糶率以爲常修理學宮書院屢費千金弟杞斌慕義如其兄知州徐肇基給匾獎之

周莢字曉初別字松園州治人少豪邁任俠有朱家郭解之風而內實恂謹克敦孝友循例入太學州刺史宋調元勸修黃文節公全集莢捐金爲首倡學宮崇聖祠久圯莢偕弟琬重加修葺濂山書院膏火經理者多拮据眾共舉莢

義甯州志

卷之二十五

人物志義行

八

莢爲塾金調辦獨司其事者八載生童咸服公平又嘗督修關聖城隍二廟倡立犀津薰溪兩渡州北鳳山之東有高嘴神石路最險隘與貢生王際春同召石工鑿而平之每歲隆冬遇孤寒輒施衣棉遇荒歉隨時接濟凡塚墓崩廢者必累土而封之莢性抗直言論侃侃人多敬畏宗伯鐵保聞其名書青天一鶚以旌之卒年八十二子參軍仁安字惟一號定軒捐金數百倡修浮橋募修耒耨城垣調度悉中機宜

查承瑛字亮圖別字淡軒武鄉人少有學行丰儀峻整弱冠補弟子員食餼三薦額遺遂循例入成均讀書養母顏其

堂曰學荆軒曰獨善以自况嘉慶四年援例就訓導署安
義學有衛籍貢生萬某因匿丁被訐計殺子滅跡承瑛急
召之勸某自首仍力解於當事以免署信州教授捐金修
明倫堂尊經閣及宮墻義路署瀘溪學諸生有構訟者諭
以大義皆悅服去甲戌委署上高以年老辭性好施與嘗
於省垣東湖畔買試館一區以寓族中應試生童又建堂
屋於州治北捐租一百二十餘石以給瞽者之孤貧刺史
賀維錦撰記題曰惠疾念諸生月課無資復捐租二十四
石於學宮兼修忠義祠刺史周澍勸修城垣承瑛首捐銀
五百兩命子職員光懷督理工役戊午教匪之變居民夜

義甯州志

卷之二十五

人物志 義行

九

逃署知州劉光延諸紳入署議策承瑛議首宜安民次宜
堅守三宜勸富戶捐金募勇隨出千金倡之二十年州紳
耆錄承瑛義行請有司旌表中丞毓會同制府孫合詞
題奏請給建坊銀三十兩併給予樂善好施字樣奉

旨依議承瑛著有淡軒詩文稿四卷卒年八十四光懷字以清
號湛堂醜篤有父風因父銳意修志搜考維勤壬申歲曾
設局倡修以眾議未協而止爰於道光二年捐金一千二
百五十兩合眾重修命伯子東鄉縣教諭樹森仲子候補
通判凌浩並襄其事以成先人未竟之志鹽大使凌雲其
第四子也咸豐元年州紳耆錄凌雲行誼請選舉孝廉方

正四年髮逆犯州城刺史葉濟英募勇守禦時凌雲在城
不避艱難悉心籌畫賊遯中丞張 題奏保加鹽提舉銜
賞戴藍翎第五子候選訓導凌瀚第六子守禦所千總凌海咸
豐三年粵匪圍省城瀚海募勇三百餘名自備器械糧餉
兼程往援數日賊逃中丞張

題奏凌瀚保加光祿寺署正銜凌海保加都閩府銜

胡機字象衡號星垣泰市人少入膠庠援例貢成均涉獵經
籍旁通諸子百家言乾隆己亥歲飢田家作苦至賣妻鬻
子不能活機爲減去田租二千餘石以紓農力嘉慶三年
楚匪滋事劉牧募義勇守城機出粟百餘石以餉七年旱

義甯州志

卷之二十五

人物志義行

十

城中乏食大戶閉糶價踴貴貧民益無所告機先出貲千
金率有力者相與告糶於鄰穀價平眾賴以安其捐建學
宮名宦祠及合修濂山書院犀津薰溪兩處義渡青雲門
浮橋文峯塔諸義舉不下數千金有質庫經紀安徽胡某
者潛逸去耗本銀萬餘兩事聞於官追同儕鞫問者累年
一日某乘夜至機前請罪願就繫機見某落魄惻然曰官
捕爾甚急爾第速去可免吾不爾警也給食貲趨之行其
仁慈長厚多類此年八十二延師訓課子孫外事分毫不
以櫻其念子附貢生夢麟素醇謹太學生綬德字印佩好
義有父風第五子司訓秉銓字化醇號雲林捐金數百修

考棚城垣書院並總理其事以承先志

王際春字漢傳別字月亭州治人九歲失怙母劉氏訓督甚嚴恂恂儒雅年踰壯始遊州庠旋循例貢成均學宮舊有濂溪講堂从圯際春告諸母母亟命捐金五百兩重新之中丞輔公匾旌克襄文教乾隆四十年際春惻念孤貧者死無棺因選材置槨有求必給兼贈錢米行三十餘年施棺千餘費金七千餘兩有古人掩骼埋胔之風嘗於犀津南修清遠橋游絲口修永齡橋崇鄉修寨溪橋安鄉修姑嫂橋更名曰廣福費金千五百兩嘉慶八年歲飢出穀平糶穀不繼亟往吳鎮買米二千六百餘石運至州減價以

義甯州志

卷之二十五

人物志義行

二

賑折本銀千七百兩鄉城米價一時盡平刺史陸遠亭嘉之匾旌任卹遺風十三年又荒出米千五百石平糶倡建宗祠祠成助置祀田十畝以備祭其他如修道路造義渡建儒學忠義祠及武廟文峯塔皆不惜多金共襄公事嘉慶十二年州紳耆等錄際春義行公請有司詳報纂入會典奉部議允十八年縉紳復請旌表樂善好施大中丞先會同江督百合詞具題請勅禮部議覆部議奏請附貢生王際春捐修義舉計銀在萬兩以上例應給建坊銀三十兩併給與樂善好施字樣奉

旨依議而際春已於十五年病歿年七十有四子布經歷三錫

字蒞華號燮堂賑飢施構歲以爲常嘉慶二十三年捐金七百兩襄修城垣其橋梁道路經葺理者尤不可枚舉

以上俱甲甲志

龔旭字樾夫號東生安鄉人州廩生援例授教職初署弋陽訓導有聲旋選星子教諭兼署南康府教授監鹿洞書院時文廟書院二賢祠梯雲塔及學署多傾圮旭抵任後倡捐修葺百廢具興邑有蓼花池官產也荒蕪日久民苦追呼旭設法開墾悉成腴田歲入穀數千石民利賴之郡守狄公廉其賢檄督修郡城工竣卓薦以知縣用適丁內艱解任星人不忍別建生祠祀之顏日報公並立土民共

義甯州志

卷之二十五

人物志義行

五

戴匾額服闋復選萬安不就生平力行義舉凡州志義倉城垣文塔浮橋義渡育嬰堂前後捐金數千崇陽鍾人杰之變募勇設防境獲安堵刺史周公玉衡重之有天留一老艾城師表之譽復體父禱志偕弟芳靄建文昌先代殿及考棚大堂刺史鄒公山立曾公暉春均有記載藝文旭生平懿行不勝書而待族人尤摯嘗倡葺省垣家廟試館又於白茅洲建義倉義學以教以養族人德之年八十三卒五世同堂三舉鄉飲正賓子二治淦以淦職

詔贈奉政大夫

朱學家字葦杭號淵泉仁鄉上衫人援例授按照職幼穎異

好讀書性剛方年未冠力能制桀驁逮長以慷慨名郡邑
偕友遊章門見一婦哭之哀詢知爲夫欠公項將鬻妻以
償學家憫之給銀五十兩不告名而去他如營祖廟建義
學義倉修橋梁施構藥培孤塚靡不踴躍捐輸爲鄉人倡
王三錫字蕊華號燮堂高市人援例授布經銜嘉慶二十二
年捐銀七百兩襄修城垣道光年間捐銀八十金重葺城
垣又捐銀三百兩襄修義倉又捐錢五十串倡興育嬰辛
卯歲荒捐銀三百餘兩倡辦賑濟州牧陳賞給穀貽子孫
額又嘗督修冠雲亭協修濂山書院凡諸義舉靡不慷慨
解囊至施棺木培孤塚葺理橋梁道路其出力捐貲尤不

義甯州志

卷之二十五

人物志義行

三

勝僕指云

陳偉字重昭號瑞圃高鄉薰衣人性剛直不避權貴幼孤確
守母訓色養無違母歿三年每日親詣寢所問視如生存
道光乙未繼祖志捐銀數千兩重修省垣大成殿廉訪陳
繼昌有記道光癸卯捐錢數百串倡首加增濂山書院膏
獎他如修葺橋渡道路靡不慷慨捐貲人以爲克繩祖武
云

徐益彰安鄉塘夏人州庠生性抗爽讀書務實踐不事浮靡
雖居城市朴約一如山林非公事不至衙署凡遇義舉慷
慨揮金不遺餘力嘗奉母命捐青雲門義渡田租十六石

又捐新萬壽宮田租十二石碑誌歸然人多義之學宮泮池修理二次其善行至今猶稱之

陳應楷字會鼎號蔭南崇鄉程坊人天性孝友枕經蔗史志趣力趨古人將冠補弟子員三薦未售援例貢成均族與程姓構訟三十餘年應楷慨然出數百金解之道光辛卯歲饑賑錢六百餘緡全活甚眾少讀書東湖一日聞鄰夫婦哭甚哀詢之因負豪債鬻妻以償應楷不忍遽予銀五十兩豪亦義之不復追其餘遂得完婚本里汪津渡船圯捐金修造並邀諸叔昆季捐租善後

文廟傾圮獨庀材鳩工規模益廓費銀二千餘兩州牧陳爲請

義甯州志

卷之二十五

人物志義行

十四

獎叙堅辭南崖建文峯塔應楷遵父紀命捐重貲並經紀其事歲辛丑楚匪滋事募勇防邊獨助餉銀二百兩糧二百石四境安堵時有以漏獎惜者應楷淡如也他如施樸衣寒修橋路建祠宇考棚城垣賓興諸義舉悉解囊成之己酉歲舉鄉飲介賓卒年七十有二子四季大學生文林號芳圃咸豐乙卯粵匪竄境督團助資事平捐金重修

文廟綽有父風

傅長清字懷千奉鄉三都人幼失怙事父孺慕依依母老喪明飲食抑搔必躬親之家頗豐不吝周卹置義山施碑樸安葬旅骸無算他如義倉捐穀義渡捐田賓興捐錢里中

橋梁道路毀者成之缺者補之靡不樂爲領袖年六旬鄉人呈請舉鄉賓

徐隆靜號淡齋岳西子安鄉塘夏人性恬退家不甚豐好爲義舉每遇歲歉必減價平糶所居隣近多豪強隆靜以至誠待之縱唾面不與較量里中貧者每年終必逐戶問家事有不給予以穀不計值歲以爲常人咸德之子三長慶千有父風生平從無爭忿事五世詩書除應試三代無一字入官署孫雲鳳同治甲子膺鄉薦

胡百萬號兩修太學生西鄉白沙嶺人家不中貲遇義舉恒出人意表獨力捐建沙坪天緣橋並倡修古城眾善橋費

義甯州志

卷之二十五

人物志義行

五

金數千有奇皆破產爲之故往來行次詫其名者以爲家亦符百萬云

萬承德字葉繁號颺園安鄉長茅人太傅文恪公季弟直隸候補縣丞署齊家司事蒞任未久以目眚乞假回籍文恪視學皖江任滿回京余太夫人年七旬有八承德奉安輿旋里日夕承歡喜吟咏景閭仙燮讀其詩至白雲吞石磴黃葉下溪橋擊節嘆賞平居足不入城市和蔣玉峯刺史留別詩稱其格律老蒼詞旨淡逸辛卯壬辰歲飢減價傾困存活甚眾至祭田增置義田續捐急公慕義尤有不僅區區者道光間舉鄉飲正賓壽七十七遺命歿後不

用浮屠著有蛩吟詩鈔啟蒙韻聯若干卷

熊杰字簡孚號鰲峯安鄉長茅人刻苦力學濂山三講鄒家
變深器之十試有司不偶爰貢成均世有義行基祖仁可
元季紅巾盜起聚義勇結砦保禦村坊父宗美奉方伯先
觀察景諭質穀以便貧民杰踵行之庚寅辛卯大祲出粟
數千石濟飢民知州陳雲章表以好義可風他如建祖祠
立譜季置義莊義塚聯鄉約焚貧券穀入則加木齋貸出
則去之皆有世俗所難能者道光間舉鄉飲介賓著有竹
間吟草訓女彙編以孫聯珠職 贈文林郎子三均克承
父志

義甯州志

卷之二十五

人物志義行

六

張行愨字全甫號端臣奉鄉湖山人積學不偶於時性友愛
延師課兒輩培養諸子逾於所生家世好善愨體先志凡
創祀產倡賓興濟貧之施丸藥平穀價悉慨然推囊無少
吝業歧黃有求治者無風雨晨夕必往酬以金幣輒卻之
年六十五卒鄉里哀之

吳德全字輝五號梧岡由太學生議叙州判銜西鄉白沙嶺
人家赤貧讀書數月能工書法遇事明大體旣而豐於財
好義舉捐田租五十石入西平書院二十石入鳳巖書院
十石入吳氏賓興十石儲義倉復命子捐田租一百石爲
閩州府試卷貲他如平道路修橋梁設育嬰助軍餉慷慨

無吝色平居處家政惟以勤儉爲訓飲服器御從不涉奢
侈狀鄉里遠近多式法焉

張規善號德堂高鄉人幼讀書未遇遂援例貢成均性好施
歲饑蠲賑貧乏鄰里賴之州修葺濂山書院及兩學宮規
善捐緡割產無吝色鄉曲有忿爭者必力爲勸解乃已州
刺史陸頌旌輕貲慕義

程玉仕號慎堂崇鄉程坊人性質樸多權奇家稍裕即好施
予學署尊經閣圯獨出千金修復刺史葉學正張有記奉
鄉建賓興館西兩重助之復捐賓興祠費至若合州賓興
館節孝祠考棚城垣義倉仁鄉福星橋州東安平渡計捐

義甯州志

卷之二十五

人物志義行

七

二千金不少吝道光十八年舉鄉飲介賓年八十有五卒
其子鏡麟咸豐間捐貲助勇迭復城垣又捐濂山鳳巘書
院田租二十餘石好行義舉克繼父志云

李瀉字玉田號寶水太學生高鄉黃沙人性孝友力行義舉
獨建宗祠立寶水家塾族戚貧乏者稱貸不索償州中公
事加意培植濂山書院捐貲助之本鄉賓興捐金成之他
如橋梁道路或獨修或倡修有不勝俸指者年七十餘卒
張承德字可從號醒人奉鄉觀溪人幼讀書明大義咸豐四
年粵匪竄境州牧葉募勇防堵承德助軍需錢八百串保
舉六品銜五年賊撲城倡首團練鄉勇與兄承仁共助穀

一千八百石六年賊復踞城縱黨劫掠至觀溪率鄉勇擒之賊遂悉師壓境承德請善都戎統大兵禦之殺賊三百餘人生擒十餘人承德助軍餉錢一千九百餘串穀三百餘石旋奉札帶兵救援州城賊遁迂路至觀溪放火焚房屋數十家承德復帶兵追逐直至奉新等處自開軍餉一萬六千餘串事聞奉

部議以府經縣丞選用兄承仁以未入流選用尋在李營効用保舉五品銜

張承煦奉鄉觀溪人太學生以軍功授千總咸豐丙辰秋僞帥李朝庚至觀溪索貢道路以目不敢發煦偕兄州同承

義甯州志

卷之二十五

人物志義行

六

烈親弟可從罄家貲集勇同舉義旗縛李賊赴銅鼓營正法並斬賊目五人旋帶勇隨千總黃雲龍堵禦東嶺各隘駐謝家灣賊恚張甚擁大股至煦兄弟督勇鏖戰大敗之斬獲無算賊鋒大挫

查凌浩字兆敬號海帆武鄉來蘇人光懷次子性孝友權奇磊落有幹濟才道光壬申重葺州志凌浩總其成旋由鹽大使授兵馬司副指揮洊陞通判需次都門遇同寅空乏者周之不少吝里居後凡梓桑義舉無不引爲己任丙申春州建義倉首捐千金爲倡刺史雷詳請旌獎加五品銜丁丑壬寅兩修城垣及育嬰堂雲巖寺城隍祠各處類

皆不惜巨資親董其役旁通醫理貧病施丸藥全活無算
闢園宅畔顏曰長春亭臺香靄花藥參差中有留香閣筠
青麓伴香齋半舫招景橋梅花精舍天香深處諸景藏書
萬卷日與四方知名士流連觴咏遊訪者悉厚贈之時人
比之顧阿瑛云年六十卒著有海帆詩鈔二卷子一長炳
辰傳宦蹟次炳堃歷署浙江臨海等縣知縣

一查鳴山字慶雲號鳳軒武鄉人舉鄉飲性耿直喜周濟道光
辛卯夏洪水泛濫民苦昏墊鳴山僱舟揀援時里中多不
舉火鳴山備粥給予全活無算癸巳歲府建義倉鳴山命
子遇昇出穀千石爲倡太守義之詳請加遇昇縣丞職額

義甯州志

卷之二十五

人物志義行

九

贈鳴山樂善好施四字年七十九卒子六餘均克承父志
一查樹春字象清號熙臺武鄉人鳴山五子衛分府職銜生平
慷慨好施同治間捐本鄉來蘇均高椅形及中沙溪獅形
腦等處山塲爲公山以厝貧旅無葬地者他如修橋道籌
軍需無不脫金助之州刺史贈予好善可風匾額年六十

一卒

冷鴻賓字燮卿號級雲仁鄉人幼聰慧壯歲補弟子員胸懷
磊落任事慷慨有豪俠風咸豐四年賊掠其父請以身代
賊憐而兩釋之同治四年叛勇入境鴻賓捐餉督團堵勦
賊潰州牧鄧保奏以訓導用性好義凡祖壟公產省垣州

城公祠一切經營皆鴻賓力也鄉族頌之

徐芳字美材號漱六仁鄉人少聰穎積學能文及長補弟子
員旋食餼循例就教職丙申任吉安永新教諭甫下車即
諄諄以力學敦行爲士林勗月課品評甲乙詳加點竄學
徒叩門請質無虛日卹篆時都人士遮道郊餞至有沾巾
不忍別者閱六年委署建昌府教授適知州周玉衡有城
工義倉之役僉芳督理功竣詳請加三級卓異知縣家居
正直而好義鄉里有忿爭者力陳是非不避嫌怨遇歉歲
減價平糶辛丑大荒出穀數百石賑之全活無算他如倡
修豫章孺子寢廟捐助洪都濂山膏火以至倡育嬰造橋
路卹窮民培孤塚無不愷慨推解務就乃安年六十卒著
有漱六文稿若干卷

徐爾鵬字導孚號搏雲高鄉高城源人太學生性至孝父母
歿時祖母在堂養志承歡並請旌建坊杭市以竟父志咸
豐間歲飢出錢數百串往鄰縣賑買賑濟修葺宗祠以及
橋梁道路靡不捐金倡首鄉鄰有事不平者將鳴之官一
經排解遂寢同治元年州牧田額贈以誼聯桑梓

義甯州志卷第二十五下

人物志

善士上

宋

章庭字名揚石觀人石觀與雙井阻一溪黃山谷在雙井庭無三日不來謁來則踞呼劇飲夜醉驅馬涉溪而歸山谷家有急難庭則竭蹶趨事鄉有鬪者必揚臂於其間排難解紛使皆意滿謝不直而去山谷嘗評其人似長安大俠高陽酒徒家有追遠堂徐忠愍嘗題其壁山谷過宿書其後即世所傳書徐德占題壁後也庭死山谷在戎州聞之出涕而為文碣

義甯州志

卷之二十五

人物志善士上

其墓

山谷全書

明

劉孟芳泰市人有才識好積聚書史詩畫時羣盜大掠於市輒揮金與之卒免害湖湘劇賊逼境官司檄捕之即以計擒其渠魁屢獲嘉獎居鄉恂恂橫逆不校終身無訟鄉邦賢之卒年五十有五

石勝卿高市人涉書史善岐黃之術遇有貧者遺以藥不責報活人甚衆州守蔣欲召見之謝病不往乃親造其門禮請為鄉賓卒年八十一司寇泉坡公為文祭之有曰溫溫之德不暴而彰斷斷之行無欲自剛又曰大璞不斲真金未鍛蓋嘉

之也

陳潛仁鄉人幼嗜學事繼母孝敬備得二親歡心里中有遷怒被以惡聲者輒從容數語其人忿遂平事亦終釋族有爭繼嗣產者卽割田百畝謝曰產非己產願得義讓何至直於官邪其處事之善多類此富而好禮捐貲修濂溪祠製文廟祭品諸文士嘉其號爲履實邵太僕書其詩於卷

榮景華奉鄉人孝友誠篤父患惡疾起居奉養終歲靡懈喪葬一如禮弟早亡分田宅贍其婦卒成全節鄉人有稱貸者貧甚則不責償游惰者勸其務本業自奉甚薄宴客洗腆無所吝至於興水利正俗染治家嚴整綽有古風卒年七十有二

義甯州志

卷之二十五

人物志善上上 二

劉昕武鄉人居鄉有賢行歲歉出穀助賑里中有爭訟者咸以質平居喪不事浮屠悉由文公家禮年八十舉鄉飲大賓著有野鳴集藏於家

幸泰泰市人性狷介寡合於人事二親以孝稱奉例輸粟授散官沈駕部述其行董太史爲文稱其雅質不斲給賦稅外足不一至公庭其言若不出口行於家而家之人宜之行於鄉而鄉之人宜之有所利於人未嘗與之爭有不平於己未嘗直之訟時稱爲善士云

周自勉泰鄉人少讀書知大義厭時俗浮靡敦尙古樸言行不苟雖燕居必正衣冠馭子姓以家法與人無競人亦不忍相

犯有司請爲鄉賓

劉仲堅高市人天性孝友恂恂質行士大夫多敬禮之舉鄉賓居常簡出入教子惟嚴知州牛贈以詩云隱君從不識官府自合休徵屬二郎卒年七十三

鄒啟詔泰鄉人幼孤事母孝行陰隲病施葯死施棺葬其不能葬者百餘人嘗見暴骨於野亟舉藁裡掩之夜夢有人來謝云深感清宵一夢中居鄉有禮縉紳先生咸爲文褒美

徐來原名加言字信之經歷鄆卿之子也少穎異絕倫壯負奇氣慷慨卓犖初受知於知州錢公吾德與其子繼登賞奇析疑爲詞壇密友壬子科爲房考所賞力薦第一以爭元而棄

義甯州志

卷之二十五

人物志善士上

三

乙亥歲薦廷試大司成特錄入闈復不售歸家築室於犀津訓迪子姓著有家訓約編 文廟向覆以平瓦捐金造筒瓦易之貧士來學不較束脩大義所在面折不少阿素爲臨汝揭重熙所賞有寄懷詩云豫章名區產魁崛龍圖老子媿文節昌厥裔孫奮奕葉爲漁涸澤焚山獵曩同燕遊問大業妙理霏霏琢玉屑紛紛餘子不相接感慨悲歌誰共說獨與祖穉爲昭揭睠茲毫素藏風月官佩峩峩向北闕領偃蒼虬肘如鐵年積逾新欽俠烈

徐一位號素菴高市人生而穎異弱冠遊庠家素封位處之沒然蚤失怙事嫡母如生母事兄克恭襟懷灑落博極羣書築

館藏書爲遊息之所嘗夢紫陽夫子遂取以名其園生平慕
義好施足跡不履公庭人謂其有守云

周繼文號景南泰鄉橫安人性敏好學過目輒記屏絕嗜慾動
履端方其誨人也誘掖不倦寒暑不輟遊其門者蜚英如林
常客館於外未與鄉試遂以增廣生員終享年七十有九

陳以慄字寬而存之季子天性孝友父常嘉其不教而善長饒
於庠改入成均父卒哭幾喪明平生言笑不苟州守黃公文
麟甫下車改容而禮嘆爲有氣道象助修巖宮置祀田隣火
及其居家人驚竄不遑慄儼衣冠顏不少變終身惡言不出
於口情容不設於躬卒年七十三葬雙井桂竹塢余應荃爲

義甯州志

卷之二十五

人物志善士上

四

之志

張侍臣號秉忠黃田人性聰敏目下十行耿介以直名著與陳
輜軻寬如爲道義友樂善好義家本清約竭捐四十金助建
文廟以毛詩應崇正丙子歲薦未仕而卒

王公錠奉鄉寨里人孝友敦睦性好施予給藥活人教四子成
名後曾孫質卿以春秋中丁卯鄉試闈內聞藥香數日房考
詢之嘆爲德報之驗弟公綽富而好禮歲饑設糜施履以給
貧乏晚年優游詩酒尤善草書年六十九舉鄉飲有雪梅遺
稿藏於家

王公侃孜孜樂善解忿周急母老每食必親進孝敬未嘗少懈

嘉靖間州守朱公孫爰范公晉卿以篤志孝友兩舉鄉賓年九十而卒鄉黨咸仰其古風焉

王子閏號渭溪性仁厚善事親尤孝於繼母友愛諸弟嘗於科試畢以所撰家規呈於太守范公涑曰可教俗刻布合屬匾曰仁里遺風州守蘇公得祿亦獎以淳義弟子棟嗜書能詩敦已範俗常施葯給貧病例賜冠帶年八十九卒

冷一聘字隱吾仁鄉東源人克敦大節居家整肅生平無戲言妄語非疾病不解衣冠每遇義舉毅然爲之有族姪負貲以田爲質僅希時值聘倍價以償族人聞風亦爲感化州守方沈匾其堂曰木天善齋胡公如川特舉鄉賓卒年八十有三

義甯州志

卷之二十五

人物志善士上

五

初艱於嗣三禮武當年六十一夕夢武當神賜以子明年果應人謂積德之報云

朱國奇號常石世居泰鄉之橫安少聰穎負才不偶以詩酒自娛年七十承歡九十之母日引羣孫環遶膝前母爲解頤平生周人之急濟人之危好義急公爲鄉鄰倡刺史張公旌其廬曰懋德發祥舉鄉賓卒年八十有二其冢嗣正經仲正綸孫天保天申天中心堯皆著聲庠序

平德瓚號靜林富於財好施予知州方沈旌舉二次與陳潛友善捐貲修濂溪書院儀門萬厯間兩舉鄉賓子達南字子衍援例授福建邵武府衛經歷累陞湖南臨湘縣尹廣東羅定

州刺史政聲卓異溫詔褒美遷兵部員外郎未及行以疾卒
孫信林節吾俱庠生

補遺

甯之人物劉待中鄧太守見於漢書尚矣志稱宋時徐黃
余莫宋祝冷章八世家今攷莫祝章僅有存者宋氏季安
外無聞焉卽著姓如黃尚不免缺遺則自八家而外他姓
之湮沒不傳者豈少哉夫忠孝節義闡揚尤亟忠義如元
之毛仁可胡宗武諸人明之蕭良 國初許文龍冷朝旭
孝行如宋之黃用中明之查孟泰盧尙庭夏仲宣 國初
許一愚舊志軼其姓名或書姓名而不立傳今爲搜求遺

義甯州志

卷之二十五

人物志善士上

六

事依次補入正傳其他政績文章之可考者亦如之間閱
方志舊帙後有抄寫十數頁考其時均明季耆舊方志旣
不及載班志卒缺之茲從斷簡中按其文稍完者補錄焉
杜汝益字希進性狷喜讀書舌耕者廿年敦行孝友風於族
黨如親姪國鏗剖股受兵使者石公漢褒異亦其券也居
去州治數武不一履公庭有二姪婦少寡汝益憫其亡嗣
令之母家改醮娶者以若翁歿相繼納幣於汝益越年二
人繼至汝益出幣還之封識如故家故貧後三子長成稍
有擔石儲爲楊某者貸去願以身償遂焚券無何楊窘甚
思鬻妻汝益以子庠餼助之得完聚萬曆丁巳州守陳公

禹疇下車訪遺逸引躋賓席

陳達夫安鄉十四都清涼人也有質行自少學問明易義比長厭薄榮利恬情邱壑好施予存恤一方有德施焉萬歷三十七年歲大饑數米如珠有司勸分之政不遑甯處達夫募輜車輸粟之餘七百石入州倉分賑民賴以甦

榮汝誠字鳳岐別號樂安居士少業儒天資明敏子史百家地理天文醫藥卜筮之書靡不通曉尤長於詩著有樂安居士湯槁貧而好施每歲給穀給藥全活窮民甚衆郡侯楊公文林深器重之舉鄉賓壽官卒年八十

榮恩字伯學天啟丁卯歲貢踐履端方州守石公漢方公沈

義甯州志

卷之二十五

人物志善士上

七

欽其學行性至孝事繼母徐氏甚恭謹其教人先孝弟忠信而後及經義出其門者如陳上舍以森劉孝廉仕鑰榮明經端士皆其選也年踰古稀四壁蕭然鄉里益服其清

操

周希謹字正之僖敏公會孫廩於庠能文章事親以孝聞其父少峯多疾每侍奉衣不解帶處昆弟四人甚友恭訓子姪率以禮讓相先平生鯁亮介特鄉族稱之

徐一章字美甫天姿純樸年甫一週失怙恃養於伯叔未幾伯又逝事叔如父孝敬肫篤每讀古今秘書足不及公門甲子鄉民飢散粟活之亦不肯以聞於州有司屢請賓筵

勿赴年八十張牧大紳尤欲致之固辭張曰是古人之遺也

劉珍玉字欽我泰市一圖人平生非道一介不取嘗濟荒於來鳳寺飢者設粥死者施棺捐金修燕子崖橋修濂溪前路塑佛像於蓮堂寺造船於迎恩門疎財尙義州牧張旌以清時逸德

王則正字紹唐崇鄉寨下人幼習舉業父早逝事母極齋粟遺弟三人俱幼教育之皆成人後出所有均分毫不自私穀粟遇凶歉悉出賑貸雖價騰如珠不肯市金僉憲李友梅先守是邦軍需不敷倡義捐金五十兩爲家家完其積

義甯州志

卷之二十五

人物志善士上

八

連不取本戶之償早歲艱嗣後舉五子巡守兩臺給以冠帶享年七十有五

樊尙巡字立南仁鄉大橋人制行敦樸樂施好義嘗置畫橋田租百餘石供讀書膏火子孫多列膠庠修黃陂東西水圳灌溉田畝人咸利賴之崇正間舉鄉賓州牧胡如川給匾旌之

朱淑仁號潔菴仁鄉人明隱君子也性仁慈好行義舉鄉人頌其德輒掩耳笑曰此分內事也嘗夜寢夢白髮老人揖而言曰子行善不求人知桐樹坪吉地吾守之久矣子盍取諸逾月人售其地遂出貲購之旣沒遇名師指穴營兆

祝曰雄雞鼓翅子孫富貴至今世代昌大云

州方志曰甯鄉獻彬彬傳不勝書如奉鄉王克中克平泰鄉鄒玉後山余簧州市劉杲陳仁德徐正剛仁鄉陳渭陳溥皆孝友無間其潛心理學善養母而周濟鄉鄰者周孝廉存性也割產分庶弟還妾不問資財饋貢生國麟也以母老終養勢利不入於心者例授光祿署丞陳諧也登大耄膺冠帶者黃土嶺陳由教也王尙爵賑饑置義塚以禮教子孫梁曰脩制行古樸余懋有子功晟功昂高年耆德並集一門主簿劉源注弟經歷源淙源派居官居鄉咸稱長者未便湮沒故附錄之

義甯州志

卷之二十五

人物志善士上

九

以上據冊補遺

國朝

周孔熙字敬之明司寇泉坡公之裔孫也生平慷慨有大節尤博學嗜古時太守葉舟來甯追宿逋括富戶代墊凌虐士類逃亡過半熙獨面折不爲稍屈鄉里德之後以兵火頗仍絕意仕進卒老於鄉

余嘉袍字龍章州治後山人剛毅明決值州胥襲前明故習狼狽爲奸依憑城社中害良善衆莫敢撻袍獨以正氣直言挫抑之胥稍斂跡民藉以安

劉日章字卓如號素菴高市人生平慷慨有大志學問淵茂

幹濟多方應康熙辛未歲貢子璟孫銓鑑鎮皆著名庠序
顯祖中壬子鄉試

徐以南字思容犀津人天姿岐嶷博學善屬文試輒高等晚
耽山水娛情烟霞應康熙癸未歲貢子勤姪達孫舒俱遊
庠

溫體元字天石上坑人姿性敏慧瀟灑不羣娛情詩酒尤諳
音律試輒冠軍應康熙戊寅歲貢授吉水訓導未任而卒
萬選字濱公號梅川仁鄉梅店人幼嗣胞伯士熙天性孝友
承顏悅志踰於所生長饑於庠康熙己亥選貢與人和平
藹如春風年七十六一日肅衣冠訓子弟娓娓正論因遂

義甯州志

卷之二十五

人物志善士上

十

絕粒衆勸之食愉然却曰天地以本無者付我我當以本
無還之子意良厚毋苦我爲越旬端坐而逝

何曰恭字允肅州治人品行端方學問深邃屢試前茅應康
熙癸未歲薦鍵戶著書一夕與子論文夜分就寢無疾而
卒

陳文捷字左之髫年遊泮束身圭璧居家孝友研究經籍兼
諳天文地理屬門牆者皆一時俊髦七試棘闈未售以明
經老恬然自得無纖毫芥蒂孫曰縉曰紳俱有聲學校僉
謂積行之報蓋未有艾云

熊逞祥字淑宣號南谷奉鄉郭城人順治十七年舉鄉飲大

賓向例甯州漕米官徵民解逞祥以老成爲糧長撥運南漕克全公事而還康熙元年奉

旨清丈田畝邵刺史舉爲清田鄉正逞祥甄別上中下三則之法無毫髮爽甲辰冬葉太守按州催徵逋賦逞祥憫貧黎一時莫措卽慷慨倡首亟捐貸之丙午春逞祥寢疾召子孫訓戒取笥中券聚而焚之貧民皆德焉

張烈字方漢奉鄉人輕財任俠補武學生雍正元年奸民王本習聚黨倡亂由瀏陽侵入銅鼓營烈出家貲募鄉勇先後捕獲甚衆時官兵雲集因山嶺高峻艱於糧運烈復助兵糈百石就近接濟當事咸義之雍正十三年奉

義甯州志

卷之二十五

人物志善士上

十一

旨監修新吳百丈寺

府志

羅秉燹字水萬西鄉人性好施予修橋路施棺木率解囊以助所居地勢高亢田常苦旱獨出數百金疏鑿廢渠立隄堰自是水澤沾足制臺黃旌爲善士列名旌善亭州牧許旌以民之楷模匾額卒年七十有八孫準應嘉慶己卯恩貢品行學問推重一時後嗣書香不墜人謂盛德之報

云

袁繼照字次君號明憲武鄉東潁人增貢生性好施予嘗分已產以益二兄遇歲饑先出穀減糶有余某者負逋賦將鬻妻以償繼照爲代償之兼恤其家州治大堂圯捐貲倡

修以餘材葺濂山書院雍正元年

詔舉善行學正危彬以繼照應舉未行而卒例授明經以孫珥
貴 贈文林郎子太學士聰庠生安邦以子珥官 贈文
林郎貢生秉正太學士錦猷兄弟襄修 文廟及道路
橋梁秉正又置義塚於犀津南黃樾嘴州牧宋旌以惠流
桑梓

胡果玉字能茲號毅菴帶溪人父師謙康熙戊午己未連旱
鄉村薦饑施粥衢亭以救荒貧民賴之州守班公旌以樂
行善事匾額果玉有父風生平厚重樸實慷慨好施凡遇
義舉無不解囊凶荒無不救濟人稱世有陰德云乾隆己

義甯州志

卷之二十五

人物志善士上

三

西以孫濬源官加三級

馳贈奉直大夫子六全月霏雲霞霑露皆有聲士林

涂鳳伯字丹亭高鄉人性寬厚好行善事凡施棺造舟賑貧
濟饑求者必與乾隆九年刺史許萬棻旌以善積慶餘有
徐某者以田租百餘石質貸鳳伯金數年未償徐某潛以
租田售於周姓詭向鳳伯索補典值急不得已乃訟於官
官勅令徐某追償其穀徐窘迫無計將鬻妻以償之鳳伯
不忍轉請於官願讓所償以全其婚刺史許淵嘆曰汝真
仁人也遂以義讓可法善行可風具文請於制府黃旌爲
善士給八品冠帶列名於申明亭

張渾字尚樸號噩齋奉鄉國學生乾隆丁丑捐修州城工竣
議叙郡守李縉旌以義著金鏞又助修學官知州徐肇基
獎以義孚庠序承父志接施棺木歲歉捐穀以濟里人善
之府志

胡聖緒字硯仙崇鄉人廩貢孝友敦行樂善急公乾隆丁丑
獨力捐建尊經閣費及千金學正李孝滄作記泐石府志

熊勃字次甯郭城人嘗捐銀千兩修學宮存義田爲歲荒平
糶之用值水漲設筏以濟往來無病涉者府志

何清字秋容號省齋泰鄉五都人由廩貢選授訓導不就乾
隆九年獨力捐建州城隍祠嘗助常平倉穀五十石以備

義甯州志

卷之二十五

人物志善士上

三

荒賑每歲給養濟院孤貧穀十五石郡守積善旌以心存
利濟州牧許淵列名善士於申明亭子本字左丞號松園
選授縣丞以親老辭

胡琳玉字公濟庠生舉鄉飲題旌善士乾隆二十三年捐輸
義倉積穀巡撫阿思哈咨部議叙

恩賜八品頂帶子滋義行有傳

胡嵩梧泰市人捐建護仙橋渡並衝路茶亭施棺木以賜貧
乏乾隆二十年舉鄉飲介賓府志

何松字庚眉號鱗木泰市人歲貢生行多義舉凡有益鄉里
之事無不踴躍倡修學宮獨捐建

御碑亭乾隆庚辰歲歉率先捐社穀爲家勸人咸德之又出資修南昌府考棚及本州濂山書院歷任知州皆褒以匾額子七恭字允謙號雲門端方靜穆以諸生

欽賞翰林院檢討光曙奉化典史

杜良煥字殷輅號墨田田浦人少爲諸生力學有聲庠序萬文恪公從學十餘年深得其講授之力嘗捐金襄修忠義孝弟祠乾隆三十八年與徐名世陳光裕又蕃宜炳宜燦鄧岳張月鹿熊學芳幸瑜查文顯承甯周名新杜鼎何洪圖等修葺洪都試院捐貲經理進士徐耀祖撰記嘉慶乙丑年逾八旬恩賜翰林院檢討路過山左時文恪公方

義甯州志

卷之二十五

人物志善士上

十四

督學按臨招集僚佐郊迎宴勞賦詩以寵其行有句云十年門下勞金管八座尊前話玉堂士林榮之

胡荷捐修州之高橋頭苦竹嶺石道以便往來乾隆二十五年舉鄉飲府志

榮萬掄字海文廷彥之子貢生敦行力學尤樂施予乾隆丁未米價騰貴鄉人之食萬掄出所食穀碾米減價平糶鄉

里德之府志

胡全雲號素堂帶溪人賅洽經史隱居教授子姓皆敬畏之性喜周急救困遇歉歲輒蹙然曰人皆枵腹我獨溫飽能安乎遂罄所有以賑之州牧程舉爲鄉賓旌以憲典乞言

卒年七十三子孫遊膠庠膺介賓者十餘人迄今克繼家聲於里中梁道猶慨然捐修云

饒禧字衡士安鄉人早歲入庠力行善事凡周濟貧乏修建橋梁每爭先爲衆倡人亦重之舉鄉飲府志

方學齊崇鄉人好義樂施凡橋梁道路每獨力捐修乾隆二十七年州修城垣學齊捐銀二百兩以助工竣議叙府志

胡全霞字赤文號彩堂鄉飲介賓武鄉人好善樂施乾隆癸亥歲歉米價昂貴出積穀減價平糶且賑且貸州侯許公旌以尙義可風乾隆二十三年捐助社穀州侯周公給匾心存惠濟州屬有永安橋界連新奉要衝獨力建大石橋

義甯州志

卷之二十五

人物志善士上

五

糜費千餘金往來稱便又於本里修建許真君殿歲久傾圮子起鰲重修府志

張達字孔兼別字柏園奉鄉湖山人太學生沉毅有識量性樂施予乾隆丁未歲大饑達出積穀碾米平糶貧窶來求食者計口以給之後屢遇歲歉賑貸不少各鄉曲忿爭者達排解之皆抱慙而去如橋梁道路隨時應濟不著姓名人亦以是高之卒年八十有八

胡全霖字公璘號皜亭帶溪人例貢生平懷仁好義樂善喜施乾隆癸亥丙子乙酉乙未戊戌辛丑丁未歲大荒每半價出米質貸不息施粥救饑多所全活高嶺五溪帶溪

清溪南嶺八疊東塢幾裡各處橋梁道路屢獨捐修州治
犀津并薰溪義渡邀好義者合買田建置以濟行人學宮
聖廟及京都會試公館捐銀崇修南山崖文塔合股捐銀鼎建
買田創立書館以鼓士風已卯捐修帶溪忠節公祠又製
備祭器捐租田供蒸嘗以教孝敬佛堂山五顯廟捐租田
助社戶賽神之費以舒衆力乾隆庚子七旬州守達公親
製屏文併品以持躬有道義方有訓允爲士林矜式云壽
七十九子六輝亡滙澄湧濬濟源以子濬源官河南知縣
單恩加三級
誥封奉直大夫

義甯州志

卷之二十五

人物志善士上

其

胡起鰲字掄及號鎮齋例授州同全霞長子仗義急公尤喜
施予每遇歲歉減價平糶鄉里德之當事旌以義洽淳風
義以爲質諸額壽七十好善彌篤州牧李公給匾挺秀垂
蔭協修濂山書院州牧邊公旌以義重儒林建學宮內鄉
賢祠州牧徐公旌以義孚庠序又修本里崇真觀併增建
鎮興書屋每歲延師以課子姪壽八十而卒子立和貢生
鄉飲介賓夢祥庠生例授衛千總履祥附貢生鄉飲介賓
孫會蔚起登紹書香人稱爲善之報

張起鵬字載烈別字南溪奉鄉湖山人國學生至性淳慈事
父母愉婉以敬跬步不失兄弟七人藹若春和平生以利

濟爲心遇塚墓暴露者必遣人負畚鍤修培有古人揜骼埋齒之風貧病者率親爲舛症製方贈藥歲歉貸穀者與之無力償者貸仍與之或疑其傷惠起鵬嘆曰周急濟危行吾心之所安耳惠何有焉鄉里咸重其量

鄒明泰字開文武鄉田浦人性喜周急濟危歲歉減價平糶兼施糜粥於塗立義學延名師教族里子弟存心正直遇事排解人多敬畏乾隆丙子舉鄉賓州牧方公應元旌以言坊行表周公作哲旌以德與年希季子福字五禧幼靈慧讀書村塾鄰與以果福必懷歸以遺母凡有善事必樂行之仍歸美於親築家塾曰愛梅有句云梅花果修到與

義甯州志

卷之二十五

人物志善士上

七

我話三生癸丑舉介賓郡守李公旌以傳經裕後

李嗣宣字班孟奉鄉龍坪人庠生舉鄉飲居界新昌奉新乾隆癸亥歲祲兩邑奔集告糶傾困平糶全活甚衆凡遇荒歉周卹皆如願以償當事旌以尙義可風子四耀唐輝增廣生燃貢生燦監生好義均有父風丙申合修學宮萬仞坊道光四年後裔復修

王斌字懷瑾號桂村奉鄉碧溪人由武庠例授武信騎尉乾隆戊寅捐助社穀奉部議叙郡守積公旌以義著梓里壬午捐金修城州牧宋公旌以善可風俗乙酉歲饑發倉穀一千六百餘石減價平糶州牧達公旌以安車待詔卒年

王朝傑字魯玉奉鄉太學生乾隆二十一年捐助社穀四百三十石奉部議叙乾隆四十五年捐金三百倡修甯州會館於京師以子瀾官 贈文林郎

劉象純字勝階號立誠奉鄉吳仙里人性喜施濟嘗於里中建石橋三曰仁壽曰火石曰永貞皆命其子國學考祥職員逢吉總理而助勦之及象純沒考祥承父志捐施茶田十餘畝於擦坳嶺福田寺以濟行李之渴慮安鄉爲往省通衢山水陡發橋梁立壞乃裹糧越境鳩工伐石首修彭橋再修藩竿垵永濟橋費累千金刺史陽浩然旌以利濟

義甯州志

卷之二十五

人物志善士上

六

培風復撰記以磨諸碑所居上下十里奠修條石峻坳皆成坦途又自樟源至桃樹嶺四十里竭力修治堅石砥平考祥旣沒子貢生照乙亦能慕義急公如文塔浮橋城垣試院次第襄助郡伯張寅旌以德薰榆里額孫州同知爲霖業精岐黃遠近求醫不憚勞不索利里中貧病者聞輒走視給藥治之可謂善繼述者

張遜字約干號禮堂奉鄉湖山人由太學授州司馬善六書工詩律生平勇於行義每遇歲歉卽減價平糶尤精醫術凡疾病求治者輒贈方藥並給以飲食病痊而後去又善治目疾獲愈者多其貧歿不能殯殮者皆施以棺槨棺滿

百口必建齋醮行之四十餘年不倦人悉以仁厚稱之喜
延名師督課衡甲乙優獎資歲以爲常道光四年州牧曾
匾旌爲善於鄉子問明字旭蒼亦能施棺賑飢與弟問行
友愛純篤皆庭訓之貽也

冷光廷字士紅號惠菴太學生仁鄉東臯人少失怙恃終鮮
兄弟勤儉持家粟積鉅萬每遇歲飢穀價日昂光廷不忍
貴糶聽貧者來質雖敗絮敝裳亦得藉資饋粥延生至秋
成取質計本利不過春夏糶價之半貧乏實感之遠如平
江通城崇陽通山各縣俱來質其有貧甚者還其質不責
償事聞州牧周公作哲題其堂曰心存惠濟乾隆中捐修

義甯州志

卷之二十五

人物志善士上

十九

上諭亭又獨建學宮梯雲門凡仗義急公敬祖睦族周貧恤困
事無不樂爲厥後數世濟美人以爲天報善人不替云

朱晚成字斗占號仁亭仁鄉上衫人父庠生邦彥蚤喪母冷
氏守節撫成之弟又不壽晚成哀慟幾死後撫猶子如已
出凡事必稟母命而行性好施予乾隆中捐穀百數十石
繳存常平倉自丙子連歲饑荒減價平糶本境及平邑來
就食者設粥以濟州刺史嘉以惠及閭里德厚流慶匾額
他如捐修

聖廟露臺濂山書院山谷全書

京城會館查市萬壽宮及義

渡悉慷慨襄事無難色子錫袞號坦垣貢生樂善好義爲

祖宗護邱木置祀田以帥族人克承父志孫學宗領壬子
鄉薦分發雲南歷署嵩明州保山縣事學家例授照磨文
塔考棚書院捐金襄修

義甯州志

卷二十五

人物志善士上

三

